

RHEOLIADAU AR GYFER GRADD MEISTR ATHRONIAETH

Contents

| | |
|---|----|
| Rheoliadau ar gyfer Gradd Athro mewn Athroniaeth (MPhil)..... | 2 |
| Rheoliadau ar gyfer Gradd Doethur mewn Athroniaeth (Cymeradwywyd i fyfyrwyr a dderbynnir cyn Medi 2023) | 7 |
| Rheoliadau ar gyfer Gradd Doethur mewn Athroniaeth (Cymeradwywyd i fyfyrwyr a dderbynnir o fis Medi 2023) | 17 |
| Rheoliadau ar gyfer Dyfarnu Gradd PhD (drwy Weithiau Cyhoeddedig)..... | 27 |
| Rheoliadau ar gyfer Graddau Doethurol Proffesiynol ac ar sail Ymarfer drwy Arholiad a Thraethawd Ymchwil neu Bortffolio | 32 |
| Reoliadau ar gyfer Doethur Addysg Cenedlaethol (EdD) Cymru | 39 |
| Rheoliadau ar gyfer Cyflwyno Traethodau Ymchwil a'u Harholi | 40 |
| Canllawiau ar gyfer Cynnal Arholiadau Viva Voce trwy Ddull Electronig (Viva Voce Ar-lein) .. | 52 |

Rheoliadau ar gyfer Gradd Athro mewn Athroniaeth (MPhil)

Mae'r Rheoliadau hyn yn rheoli dyfarnu gradd Athro mewn Athroniaeth ym Mhrifysgol Aberystwyth, sef y Brifysgol o hyn ymlaen. Maent yr un mor berthnasol hefyd i'r radd LLM drwy Ymchwil.

Gall gradd Athro mewn Athroniaeth gael ei dyfarnu gan y Brifysgol i gydnabod y llwyddwyd i gwblhau cwrs astudio ac ymchwilio pellach y bernir bod ei ganlyniadau yn werthusiad a dadansoddiad beirniadol o gorff o wybodaeth ac/neu yn gyfraniad gwreiddiol at wybodaeth.

Wedi iddynt gwblhau MPhil, bydd graddedigion wedi cyrraedd o leiaf Lefel M, fel y'i diffinnir gan Fframwaith yr ASA ar gyfer Cymwysterau Addysg Uwch yn Nghymru, Lloegr a Gogledd Iwerddon.

Dulliau Astudio

1. Gall ymgeisydd astudio ar gyfer y radd drwy gyfrwng un o'r dulliau canlynol:

- A. drwy wneud ymchwil lawn-amser yn y Brifysgol;
- B. drwy wneud ymchwil lawn-amser mewn man cyflogaeth allanol;
- C. drwy wneud ymchwil ran-amser yn y Brifysgol;
- D. drwy wneud ymchwil ran-amser yn allanol;
- E. drwy wneud ymchwil ran-amser yn y Brifysgol fel aelod llawn-amser neu ran-amser o'r staff.

2. Mae'n bosibl, mewn achosion addas, i drosglwyddo o un dull o'r rheoliadau i un arall, e.e. o lawn-amser (Dull A) i ran-amser (Dull C) ac fel arall. Mewn achosion o'r fath, bydd y Brifysgol yn pennu isafswm cyfnod astudio diwygiedig ac yn gosod y dyddiad cynharaf y caniateir cyflwyno'r traethawd ymchwil.

3. Yn achos aelodau o staff rhan-amser, cyfyngir ymgeisyddiaeth i aelodau o staff dan gontract a chanddynt radd, neu gymhwyster cyfatebol, sydd â chontract rheolaidd o gyflogaeth am gyflog sy'n cyfateb i o leiaf draean o gyflog aelod llawn-amser yn y categorïau staff priodol.

Cymhwysterau

4. Rhaid i ymgeisydd am radd MPhil feddu ar un o'r cymwysterau canlynol cyn dechrau ei ymchwil neu ei hymchwil:

(a) gradd gychwynnol o Brifysgol Aberystwyth;

(b) gradd gychwynnol o Brifysgol arall a gymeradwywyd at y diben hwn;

(c) cymhwyster nad yw'n radd y mae'r Brifysgol wedi barnu ei fod yn cyfateb i radd.

Rhaid i ddarpar ymgeisydd a chanddo/a chanddi eisoes radd ddoethurol allu dangos bod y cynllun MPhil mewn maes ymchwil gwahanol i'r un y dyfarnwyd y PhD (neu radd ddoethurol arall) amdano.

5. Beth bynnag fo cymwysterau ymgeisydd, rhaid i'r Brifysgol fodloni ei hun fod ymgeisydd o'r safon academaidd sy'n ofynnol er mwyn cwblhau'r cynllun ymchwil arfaethedig.

6. Mae'n ofynnol i'r holl ymgeiswyr fatricwleiddio gyda'r Brifysgol. Mae'r Brifysgol yn darparu rhestr o safonau a gymeradwywyd a fydd yn caniatáu mynediad i ymgeisyddiaeth am un o raddau uwch y Brifysgol. Cynhwysir y rhestr hon yn y "Rheoliadau ar gyfer Cymeradwyo Cymwysterau a/neu Brofiad Perthnasol ar gyfer Derbyn i Raddau, Diplomâu a Thystysgrifau Uwch Prifysgol Aberystwyth".

Yn achos ymgeisydd nad oes ganddo/ganddi gymhwyster mynediad cydnabyddedig, rhaid i'r Adran dan sylw wneud argymhelliad arbennig ar gyfer ei d(d)erbyn i'r Swyddfa Derbyn Uwchraddedigion a rhaid i'r gymeradwyaeth gael ei chadarnhau cyn bod cynllun astudio arfaethedig yr ymgeisydd yn cychwyn.

Cyfnodau Cofrestru

7. Rhaid i'r ymgeisydd ymrestru naill ai fel myfyriwr llawn-amser neu ran-amser yn y Brifysgol, talu'r ffi briodol a bennir a dilyn y cynllun am yr isafswm cyfnod a ddiffinnir isod:

Dulliau A a B:

Isafswm cyfnod: blwyddyn

Dulliau C, D ac E:

Isafswm cyfnod: dwy flynedd

Serch yr uchod, gall yr Adran ei gwneud yn ofynnol i ymgeisydd wneud ymchwil am gyfnod hwy na'r cyfnodau isafswm hyn.

8. Er mwyn caniatáu i'r arholiad gael ei gwblhau, gall ymgeisydd blwyddyn gyflwyno traethawd ymchwil, ar y cynharaf, bythefnos cyn i'r cyfnod astudio ddod i ben. Gall ymgeisydd dwy flynedd gyflwyno traethawd ymchwil, ar y cynharaf, chwe mis cyn i'r cyfnod astudio ddod i ben, h.y. flwyddyn a hanner ar ôl y dyddiad cofrestru cychwynnol. Bydd ffioedd dysgu, fodd bynnag, yn ddyledus am yr holl gyfnod cofrestru.

Lle mae gofyn i'r ymgeisydd gyflawni cyfnod ychwanegol o ymchwil (fel y'i disgrifir o dan baragraff 7 uchod), estynnir dyddiad cyflwyno cynharaf yr ymgeisydd yn ôl cyfnod o amser sy'n gyfartal o ran hyd i hyd y cyfnod astudio ychwanegol.

Terfynau Amser

9. Daw ymgeisyddiaeth i ben os na chyflwynir traethawd ymchwil, yn y ffurf a'r modd a bennir yn y rheoliadau, erbyn y terfynau amser canlynol:

(a) Dulliau A a B – dwy blynedd o ddechrau swyddogol cyfnod astudio'r ymgeisydd fel myfyriwr ymchwil, fel y'i pennir ym mharagraff 6 uchod.

(b) Dulliau C, D ac E – pedair blynedd o ddechrau swyddogol cyfnod astudio'r ymgeisydd fel myfyriwr ymchwil, fel y'i pennir ym mharagraff 6 uchod.

Gall y terfynau amser uchod gael eu hymestyn gan y Brifysgol, ond mewn achosion eithriadol yn unig ac yn unol â meini prawf a bennir yn y Rheoliadau ar gyfer Cyflwyno Traethodau Ymchwil am Raddau Ymchwil a'u Harholi. Rhaid i gais rhesymedig, wedi ei ategu gan dystiolaeth annibynnol briodol, gael ei gyflwyno gan adran yr ymgeisydd i'r Brifysgol ei ystyried.

D.S. I fyfyrwyr a dderbyniwyd o fis Medi 2018, mae'r Cyfyngiadau Amser canlynol ar gyfer Cwblhau, gan gynnwys unrhyw gyfnodau o dynnu'n ôl dros dro ac estyniadau a gymeradwywyd gan Bennaeth yr Academi Ddoethurol, yn berthnasol:

O'r dyddiad cofrestru cychwynnol tan eich bod yn cyflwyno'r traethawd ymchwil i'w arholi am y tro cyntaf:

MPhil/LLM Ymchwil amser-llawn: pedair blynedd

MPhil/LLM Ymchwil rhan-amser: chwe blynedd

Gellir cael estyniadau i'r cyfyngiadau hyn gan y Dirprwy Is-Ganghellor (Ymchwil) o dan yr amod:

1. Bod tystiolaeth o amgylchiadau arbennig yn cael ei chyflwyno
2. Bod adran y myfyriwr yn cadarnhau bod y prosiect ymchwil yn parhau i fod yn gyfredol ac yn ddichonadwy a bod y myfyriwr yn gallu cwblhau'r prosiect o fewn cyfnod yr estyniad.

Goruchwyllo

10. Rhaid i'r Brifysgol sicrhau bod ymgeiswyr yn cael eu goruchwyllo, yn rheolaidd ac yn barhaus, yn unol â'i gweithdrefnau cyffredinol ar gyfer goruchwyllo uwchraddedigion.

11. Ar gyfer pob ymgeisyddiaeth, rhaid i'r Brifysgol gymeradwyo tîm o oruchwylwyr yn cynnwys o leiaf un prif oruchwyllydd ac ail oruchwyllydd, a enwebir gan Adran yr ymgeisydd.

- Fel arfer bydd y prif oruchwyllydd yn aelod llawn-amser o staff academiaidd y Brifysgol;
- Fel arfer, bydd yr ail oruchwyllydd yn aelod llawn-amser o staff academiaidd y Brifysgol neu sefydliad neu gorff cydweithrediadol.

Bydd y Brifysgol yn sicrhau bod y gweithdrefnau ar gyfer goruchwyllo uwchraddedigion ar gael i fyfyrwyr a goruchwylwyr trwy gyfrwng y Codau Ymarfer a'r Llawlyfr

Goruchwylwyr.

Hyd y Traethawd Ymchwil, a'i Gyflwyno

12. Rhaid i bob ymgeisydd gwblhau ei (h)ymchwil drwy gyflwyno traethawd ymchwil (fel arfer heb fod yn hwy na 60,000 o eiriau o ran hyd, heb gynnwys cyfeiriadau ac atodiadau) sy'n ymgorffori canlyniadau'r ymchwil, o fewn y terfynau amser penodedig.

13. Bydd angen Bwrdd Arholi wedi ei gyfansoddi'n briodol i gynnal arholiad llafar ar gyfer yr ymgeisydd MPhil sy'n cyflwyno traethawd ymchwil i'w arholi. Er hynny, fe allai'r gofyniad hwn gael ei hepgor ar ddisgresiwn y Bwrdd Arholi, wrth arholi traethawd ymchwil sydd wedi ei ailgyflwyno a bod yr arholwyr yn argymhell pasio'n glir heb

newidiadau, neu gyda chywiriadau neu newidiadau mân iawn yn unig. Dan amgylchiadau eraill eithriadol, gellir hepgor arholiad llafar ar gyfer ailgyflwyno gyda chymeradwyaeth y Bwrdd Arholi a Phennaeth yr Academi Ddoethurol.

14. Rhaid i ymgeiswyr lofnodi datganiad yn ardystio na dderbyniwyd y gwaith a gyflwynir yn ei hanfod am unrhyw radd neu ddyfarniad, ac nad yw'n cael ei gyflwyno ar yr un pryd mewn ymgeisyddiaeth am unrhyw radd neu ddyfarniad arall. Rhaid cynnwys y datganiad, wedi ei lofnodi, ym mhob copi o'r gweithiau a gyflwynir i'w harholi.

15. Rhaid i'r Brifysgol sicrhau bod ffurf cyflwyno ac arholi'r traethawd ymchwil yn cydymffurfio â Rheoliadau'r Brifysgol ar gyfer Cyflwyno Traethodau Ymchwil a'u Harholi. Cynlluniau Gradd yn y Celfyddydau Creadigol

16. Yn achos ymgeiswyr sy'n dilyn cynlluniau gradd ymchwil cymeradwyedig sy'n syrthio o fewn maes pwnc Celfyddydau Creadigol a Pherfformiadol y Brifysgol, gall y traethawd ymchwil fod ar un neu ragor o'r ffurfiau canlynol: arteffact, sgôr, testun, portffolio o weithiau gwreiddiol, perfformiad neu arddangosfa. Rhaid cyflwyno, ar y cyd â'r gwaith, sylwadaeth sy'n ei osod yn ei gyd-destun academaidd, ynghyd ag unrhyw eitemau eraill a all fod yn ofynnol (e.e. catalog neu recordiad sain neu weledol).

Ym mhob achos, rhaid i'r hyn a gyflwynir a'r sylwadaeth ysgrifenedig fod wedi'u rhwymo, a'r eitemau eraill sy'n ofynnol (e.e. tâp neu gyfryngau eraill) wedi'u hamgáu mewn cynhwysydd sy'n addas i'w storio ar silff llyfrgell ac yn dwyn yr un wybodaeth ar y meingefn ag sy'n ofynnol ar feingefn traethawd hir neu draethawd ymchwil. Rhaid lleoli'r wybodaeth hon fel y bydd yn rhwydd i'w darllen ar y cynhwysydd yn y safle lle caiff ei storio.

Rheoliadau ar gyfer Gradd Doethur mewn Athroniaeth (Cymeradwywyd i fyfyrwyr a dderbynnir cyn Medi 2023)

Mae'r Rheoliadau hyn yn rheoli dyfarnu gradd Doethur mewn Athroniaeth ym Mhrifysgol Aberystwyth, sef y Brifysgol o hyn allan.

Gall y Brifysgol ddyfarnu gradd Doethur mewn Athroniaeth i gydnabod cwblhau'n llwyddiannus gynllun o astudio pellach ac ymchwil y bernir bod ei ganlyniadau yn gyfraniad gwreiddiol i ddysg ac yn dystiolaeth o astudio systematig a'r gallu i gysylltu canlyniadau'r cyfryw astudio â'r corff cyffredinol o wybodaeth yn y pwnc.

Bydd y cyfeiriadau isod at y traethawd ymchwil yn cwmpasu cyflwyniadau ar ffurfiau amgen (gweler rheoliadau 18–28 isod) a chyflwyniadau sy'n seiliedig ar ymarfer yn y celfyddydau creadigol (gweler rheoliad 17).

Wrth farnu teilyngdod traethawd ymchwil a gyflwynir mewn ymgeisyddiaeth am radd PhD, bydd yr arholwyr yn cadw mewn cof safon ac ystod y gwaith y mae'n rhesymol disgwyl i fyfyrwr galluog a dygn ei gyflwyno ar ôl cyfnod o ddwy neu dair blynedd (fel y bo'n briodol) o astudio llawn-amser, neu'r hyn sy'n cyfateb yn rhan-amser.

Ar ôl cwblhau Gradd Doethur, bydd graddedigion wedi cyflawni Lefel D, fel y'i diffinnir gan Fframwaith yr ASA ar gyfer Cymwysterau Addysg Uwch yng Nghymru, Lloegr a Gogledd Iwerddon.

Ni ellir cyflwyno gradd Doethur mewn Athroniaeth honoris causa.

Dulliau Astudio

1. Gall ymgeisydd astudio ar gyfer y radd drwy gyfrwng un o'r dulliau canlynol:

A drwy wneud ymchwil lawn-amser yn y Brifysgol;

B drwy wneud ymchwil lawn-amser mewn man cyflogaeth allanol;

C drwy wneud ymchwil ran-amser yn y Brifysgol;

D drwy wneud ymchwil ran-amser yn allanol;

E drwy wneud ymchwil ran-amser yn y Brifysgol fel aelod llawn-amser neu ran-amser o'r staff.

Dylai myfyrwyr sy'n gwneud cais o dan adran B fod yn gweithio mewn canolfan ymcwhil allanol neu sefydliad tebyg sydd â'r staff a'r adnoddau i gynnal a goruchwylio'r prosiect ymchwil ond nad oes ganddynt bwerau dyfarnu graddau. Mae'n rhaid i ymgweiswyr ddarparu:

- **datganiad o gefnogaeth gan y cyflogwr yn cadarnhau y byddant yn canitáu i'r myfyriwr weithio'n llawn-amser ar y prosiect ymchwil ac y byddant yn darparu'r adnoddau angenrheidiol.**
- **cadarnhad o'r trefniadau goruchwylio gan gynnwys CV y goruchwyliwr lleol.**
- **cadarnhad fod gan yr ymgeisydd, neu y gallai gael, y sgiliau ymchwil angenrheidiol heb fynychu hyfforddiant ymchwil PA.**
- **cytundeb ar unrhyw hyfforddiant ymchwil PA fydd ei angen.**

2. Mae'n bosibl, mewn achosion addas, i drosglwyddo o un dull o'r rheoliadau i un arall, e.e. o lawn-amser (Dull A) i ran-amser (Dull C) ac fel arall. Mewn achosion o'r fath, bydd y Brifysgol yn pennu isafswm cyfnod astudio diwygiedig ac yn gosod y dyddiad cynharaf ar gyfer cyflwyno'r traethawd ymchwil.

3. Yn achos aelodau o staff rhan-amser, cyfyngir ymgeisyddiaeth i aelodau o staff dan gontract a chanddynt radd, neu gymhwyster cyfatebol, sydd â contract rheolaidd o gyflogaeth am gyflog sy'n cyfateb i o leiaf draean o gyflog aelod llawn-amser yn y categorïau staff priodol.

Cymhwysra

4. Rhaid i ymgeisydd am radd PhD feddu ar un o'r cymwysterau canlynol cyn dechrau ar ei ymchwil neu ei hymchwil:

- (a) gradd gychwynnol o Brifysgol Aberystwyth;
- (b) gradd gychwynnol o Brifysgol arall a gymeradwywyd at y diben hwn;
- (c) cymhwyster nad yw'n radd y mae'r Brifysgol wedi barnu ei fod yn cyfateb i raddio.

Rhaid i ddarpar ymgeisydd a chanddo/a chanddi eisoes radd ddoethurol allu dangos bod y cynllun PhD mewn maes ymchwil gwahanol i'r un y dyfarnwyd y PhD (neu radd ddoethurol arall) amdano.

5. Beth bynnag fo cymwysterau ymgeisydd, rhaid i'r Brifysgol fodloni ei hun bod ymgeisydd o'r safon academaidd sy'n ofynnol er mwyn cwblhau'r cynllun ymchwil arfaethedig.

6. Mae'n ofynnol i'r holl ymgeiswyr fatricwleiddio gyda'r Brifysgol. Mae'r Brifysgol yn darparu rhestr o safonau a gymeradwywyd a fydd yn caniatáu mynediad i ymgeisyddiaeth am un o raddau uwch y Brifysgol. Cynhwysir y rhestr hon yn y "Rheoliadau ar gyfer Cymeradwyo Cymwysterau a/neu Brofiad Perthnasol ar gyfer Derbyng i Raddau, Diplomâu a Thystysgrifau Uwch Prifysgol Aberystwyth".

Yn achos ymgeisydd nad oes ganddo/ganddi gymhwyster mynediad cydnabyddedig, rhaid i'r Adran dan sylw wneud argymhelliad arbennig ar gyfer ei d(d)erbyn i'r Swyddfa Derbyng Uwchraddedigion a rhaid i'r gymeradwyaeth gael ei chadarnhau cyn bod cynllun astudio arfaethedig yr ymgeisydd yn cychwyn.

Cyfnodau Cofrestru a Threfniadau Prawf

7. Rhaid i'r ymgeisydd ymrestru yn y Brifysgol, talu'r ffi briodol a bennir a dilyn y cynllun ymchwil am yr isafswm cyfnod a ddiffinnir isod:

Dulliau A a B:

Isafswm cyfnod: tair blynedd, y gyntaf ohonynt yn cael ei hystyried yn flwyddyn brawf

Dulliau C a D:

Isafswm cyfnod: pum mlynedd, y ddwy flynedd gyntaf ohonynt yn cael eu hystyried yn flynyddoedd prawf

Dull E:

Isafswm cyfnod: tair blynedd, y gyntaf ohonynt yn cael ei hystyried yn flwyddyn brawf

Serch yr uchod, gall yr Adran ei gwneud yn ofynnol i ymgeisydd wneud ymchwil am gyfnod hwy na'r cyfnodau isafswm hyn.

8. Er mwyn caniatáu i'r arholiad gael ei gwblhau, caniateir i ymgeisydd gyflwyno traethawd ymchwil chwe mis cyn i'r cynllun astudio a gymeradwywyd ddod i ben. Er hynny, bydd ffioedd dysgu yn daladwy am y cyfnod cofrestru llawn. Pan fydd cyfnod

ychwanegol o ymchwil yn ofynnol gan yr ymgeisydd (fel y disgrifir dan baragraff 7 uchod) bydd dyddiad cyflwyno cynharaf yr ymgeisydd yn cael ei ymestyn gan gyfnod o amser sy'n gyfartal o ran hyd â hyd y cyfnod astudio ychwanegol.

9. Yn ystod y flwyddyn/cyfnod prawf, disgwylir i'r ymgeisydd ddangos ei (g)allu i fwrw ymlaen ag ymchwil bellach.

10. Serch paragraffau 6 ac 8 uchod, gall ymgeisydd gael ei (h)eithrio rhag y flwyddyn/cyfnod prawf os ydyw ef/hi:

(a) yn meddu ar radd Meistr uwchraddedig o Brifysgol a gymeradwywyd, a honno wedi ei hennill drwy ymchwil neu uwch-astudiaethau sydd ym marn yr adran/Athrofa yn gefndir academaidd digonol i ganiatáu i'r ymchwil arfaethedig gael ei chwblhau o fewn dwy flynedd.

(b) wedi cwblhau o leiaf flwyddyn yn llawn-amser neu ddwy flynedd yn rhan-amser o waith uwchraddedig o dan oruchwyliaeth yn yr un ddisgyblaeth academaidd â'r cynllun ymchwil PhD arfaethedig er boddhad y Brifysgol ar argymhelliad yr adran/Athrofa briodol.

(c) wedi cyflwyno gwaith ymchwil uwchraddedig o safon sy'n cyfateb yn fras i safon gradd Meistr ac wedi ei gymeradwyo gan y Brifysgol ar argymhelliad yr Adran/Athrofa briodol.

(d) wedi cael o leiaf flwyddyn o brofiad perthnasol ers graddio, a chymeradwyaeth o'r fath i'w rhoi gan y Brifysgol ar argymhelliad yr Adran/Athrofa briodol.

Rhestrir y Prifysgolion hynny y mae eu graddau Meistr wedi'u cymeradwyo at ddibenion eithrio o'r cyfnod prawf yn 'Rheoliadau ar gyfer Cymeradwyo Cymwysterau a/neu Brofiad Perthnasol ar gyfer Derbyn i Raddau, Diplomâu a Thystysgrifau Uwch Prifysgol Aberystwyth'.

Ni ddyfernir unrhyw eithriadau eraill.

Terfynau Amser

11. Daw ymgeisyddiaeth i ben os na chyflwynir traethawd ymchwil, yn y ffurf a'r modd a bennwyd, erbyn y terfyn amser a restrir isod:

Dulliau A a B:

Yn achos ymgeisyddiaethau tair blynedd (yr ystyrir y flwyddyn gyntaf ohonynt yn flwyddyn brawf), pedair blynedd o ddechrau swyddogol cyfnod astudio'r ymgeisydd. Yn achos ymgeisyddiaethau dwy flynedd (lle mae'r ymgeisydd wedi ei eithrio rhag y flwyddyn brawf), tair blynedd o ddechrau swyddogol cyfnod astudio'r ymgeisydd.

Dulliau C a D:

Yn achos ymgeisyddiaethau pum mlynedd (yr ystyrir y ddwy flynedd gyntaf ohonynt yn gyfnod prawf), saith mlynedd o ddechrau swyddogol cyfnod astudio'r ymgeisydd. Yn achos ymgeisyddiaethau tair blynedd (lle mae'r ymgeisydd wedi ei eithrio rhag y cyfnod prawf), pum mlynedd o ddechrau swyddogol cyfnod astudio'r ymgeisydd.

Dull E:

Ym mhob achos, saith mlynedd o ddechrau swyddogol cyfnod astudio'r ymgeisydd.

Gall y terfynau amser uchod gael eu hymestyn gan y Brifysgol, ond dim ond mewn achosion eithriadol ac yn unol â'r meini prawf a osodwyd yn y Rheoliadau ar gyfer Cyflwyno Traethodau Ymchwil am Raddau Ymchwil a'u Harholi. Rhaid i adran yr ymgeisydd gyflwyno cais rhesymedig, wedi'i gefnogi â thystiolaeth annibynnol addas, i'r Brifysgol ei ystyried.

D.S. I fyfyrwyr a dderbyniwyd o fis Medi 2018, mae'r Cyfyngiadau Amser canlynol ar gyfer Cwblhau, gan gynnwys unrhyw gyfnodau o dynnu'n ôl dros dro ac estyniadau a gymeradwywyd gan Bennaeth yr Academi Ddoethurol, yn berthnasol:

O'r dyddiad cofrestru cychwynnol tan eich bod yn cyflwyno'r traethawd ymchwil i'w arholi am y tro cyntaf:

PhD/PhDFA amser-llawn: chwe blynedd

PhD/PhDFA rhan-amser: naw mlynedd

Gellir cael estyniadau i'r cyfyngiadau hyn gan y Dirprwy Is-Ganghellor (Ymchwil) o dan yr amod:

1. Bod dystiolaeth o amgylchiadau arbennig yn cael ei chyflwyno
2. Bod adran y myfyriwr yn cadarnhau bod y prosiect ymchwil yn parhau i fod yn gyfredol

ac yn ddichonadwy a bod y myfyriwr yn gallu cwblhau'r prosiect o fewn cyfnod yr estyniad.

Goruchwyllo

12. Rhaid i'r Brifysgol sicrhau bod ymgeiswyr yn cael eu goruchwyllo, yn rheolaidd ac yn barhaus, yn unol â'i gweithdrefnau cyffredinol ar gyfer goruchwyllo uwchraddedigion.

13. Ar gyfer pob ymgeisyddiaeth, rhaid i'r Brifysgol gymeradwyo tîm o oruchwylwyr yn cynnwys o leiaf un prif oruchwyllydd ac ail oruchwyllydd, a enwebir gan Adran yr ymgeisydd.

- Fel arfer bydd y prif oruchwyllydd yn aelod llawn-amser o staff academiaidd y Brifysgol;
- Fel arfer, bydd yr ail oruchwyllydd yn aelod llawn-amser o staff academiaidd y Brifysgol neu sefydliad neu gorff sy'n cydweithredu â hi.

Bydd y Brifysgol yn sicrhau bod y gweithdrefnau ar gyfer goruchwyllo uwchraddedigion ar gael i fyfyrwyr a goruchwylwyr trwy gyfrwng y Codau Ymarfer a'r Llawlyfr Goruchwylwyr.

Hyd y Traethawd Ymchwil, a'i Gyflwyno

14. Rhaid i bob ymgeisydd gwblhau ei (h)ymchwil drwy gyflwyno traethawd ymchwil (100,000 o eiriau o hyd ar y mwyaf, heb gynnwys atodiadau a chyfeiriadau) sy'n ymgorffori dulliau a chanlyniadau'r ymchwil. Bydd angen i Fwrdd Arholi wedi ei gyfansoddi'n briodol gynnal arholiad llafar ar gyfer ymgeisydd PhD sy'n cyflwyno traethawd ymchwil i'w arholi. Er hynny, fe ellir hepgor y gofyniad hwn ar ddisgresiwn y Bwrdd Arholi, wrth arholi traethawd ymchwil sydd wedi ei ailgyflwyno pan mae'r arholwyr yn argymhell pasio'n glir heb newidiadau, neu gyda chywiriadau neu newidiadau mân iawn yn unig. Dan amgylchiadau eraill eithriadol, gellir hepgor arholiad llafar ar gyfer traethawd sydd wedi'i ailgyflwyno gyda chymeradwyaeth y Bwrdd Arholi a Phennaeth yr Academi Ddoethurol.

15. Rhaid i ymgeiswyr lofnodi datganiad yn ardystio na dderbyniwyd y gwaith a gyflwynir yn ei hanfod am unrhyw radd neu ddyfarniad, ac nad yw'n cael ei gyflwyno ar yr un pryd mewn ymgeisyddiaeth am unrhyw radd neu ddyfarniad arall. Rhaid cynnwys y datganiad, wedi ei lofnodi, ym mhob copi o'r gweithiau a gyflwynir i'w harholi.

16. Rhaid i'r Brifysgol sicrhau bod ffurf cyflwyno ac arholi'r traethawd ymchwil yn cydymffurfio â Rheoliadau'r Brifysgol ar gyfer Cyflwyno Traethodau Ymchwil a'u Harholi.

Darpariaethau arbennig mewn perthynas â Chynlluniau yn y Celfyddydau Creadigol

17. Yn achos ymgeiswyr sy'n dilyn cynlluniau gradd ymchwil cymeradwyedig sy'n syrthio o fewn maes pwnc Celfyddydau Creadigol a Pherfformiadol y Brifysgol, gall y traethawd ymchwil fod ar un neu ragor o'r ffurfiau canlynol: arteffact, sgôr, testun, portffolio o weithiau gwreiddiol, perfformiad neu arddangosfa. Dylid cyflwyno ar y cyd â'r gwaith sylwadaeth sy'n gosod y gwaith yn ei gyd-destun academiaidd, ynghyd ag unrhyw eitemau eraill a all fod yn ofynnol (e.e. catalog, neu recordiad sain neu weledol).

Ym mhob achos, bydd y cyflwyniad a'r sylwadaeth ysgrifenedig wedi'u rhwymo, a bydd yr eitemau eraill sy'n ofynnol (e.e. tâp neu gyfrwng arall) wedi'u cynnwys mewn cynhwysydd sy'n addas i'w storio ar silff llyfrgell ac arno, ar y meingefn, yr un wybodaeth â'r hyn sy'n ofynnol ar gyfer traethodau estynedig/traethodau ymchwil. Dylid gosod y wybodaeth hon fel ei bod yn rhwydd i'w darllen ar y cynhwysydd yn y safle lle caiff ei storio.

Cyflwyno ar ffurf amgen

18. Mae'r ffurf amgen yn caniatáu i ymgeisydd doethurol ymgorffori deunydd sydd mewn fformat addas i'w gyflwyno ar gyfer ei gyhoeddi mewn cyfnodolyn a adolygir gan gymheiriaid. Ar wahân i'r ffaith ei fod yn cynnwys deunyddiau o'r fath, rhaid i'r traethawd ymchwil ar ffurf amgen gydymffurfio â'r un rheoliadau sy'n rheoli'r traethawd ymchwil PhD arferol. Bydd y meini prawf ar gyfer y dyfarniad a'r safon y mae'n rhaid ei chyrraedd hefyd yr un fath ag ar gyfer y PhD arferol. Rhaid i ymgeiswyr sydd eisiau cyflwyno eu gwaith ar y ffurf amgen ddilyn y canllawiau isod.

19. Gall deunyddiau a gynhwysir yn y traethawd ymchwil ar ffurf amgen gynnwys rhai sydd wedi'u cynhyrchu gan y myfyriwr yn unig ac/neu yn rhannol a gallant fod wedi'u cyhoeddi eisoes, wedi'u derbyn ar gyfer eu cyhoeddi, neu wedi eu cyflwyno i gael eu cyhoeddi mewn cyd-destunau a gymedrolir yn allanol megis cyfnodolion a thrafodion cynhadledd.

20. Dylai'r traethawd ymchwil barhau i fod yn gyfraniad gwreiddiol gan y myfyriwr i'r maes ymchwil, beth bynnag fo ei fformat. Rhaid gwneud datganiad clir ar ddechrau'r traethawd ymchwil i egluro a chyfiawnhau yn llawn natur a maint cyfraniad yr ymgeisydd ei hun a chyfraniad unrhyw gyd-awduron a chyd-weithredwyr eraill i'r cyhoeddiadau a gyflwynwyd. Rhaid i'r cyd-awduron neu'r cyd-weithredwyr lofnodi datganiadau yn cadarnhau hyn. Dylai'r deunyddiau a ymchwiliwyd ddeillio o ymchwil wreiddiol a wnaed wedi'r dyddiad pan gofrestrodd y myfyriwr gyntaf gyda'r Brifysgol.

21. Rhaid i unrhyw ymgeisydd sy'n dymuno cyflwyno ei draethawd ymchwil ar ffurf amgen gyflwyno cais ysgrifenedig, yn rhoi amlinelliad o strwythur arfaethedig y traethawd ymchwil i'w oruchwylydd a'r Pwyllgor Monitro Uwchraddedig priodol er mwyn ei gymeradwyo. Rhaid cyflwyno'r cais hwn cyn diwedd blwyddyn dau i ymgeiswyr llawn-amser a diwedd blwyddyn pedwar i ymgeiswyr rhan-amser. Dylai'r cais nodi pam mae'r traethawd ymchwil ar ffurf amgen yn fwy addas i'r prosiect ymchwil a dangos sut y bydd yr ymgeisydd yn cymryd mantais lawn o'r ffurf amgen. Os rhoddir cymeradwyaeth i gyflwyno ar ffurf amgen, rhaid i'r myfyriwr gael y ffurflen Caniatâd i gyflwyno traethawd ymchwil PhD ar ffurf amgen o'r swyddfa briodol. Rhaid i fyfyrwyr gyflwyno'r ffurflen gyda'u traethawd ymchwil.

22. Gall nifer y papurau a gynhwysir yn y traethawd ymchwil ar ffurf amgen amrywio yn ôl y ddisgyblaeth, ond bydd fel arfer rhwng tri a phump. Dylai'r papurau adlewyrchu maint, ansawdd a gwreiddioldeb yr ymchwil a'r dadansoddi a ddisgwyllir gan ymgeisydd sy'n cyflwyno traethawd ymchwil doethurol arferol.

23. Rhaid i'r papurau gynrychioli corff o wybodaeth o fewn traethawd ymchwil cydlynol a pharhaus, yn hytrach na chyfres o gyhoeddiadau digyswllt. O'r herwydd, dylai unrhyw gyhoeddiadau fod wedi'u haddasu a'u hintegreiddio o fewn strwythur y traethawd ymchwil. Dylai unrhyw adrannau o'r traethawd ymchwil sydd wedi'u cyhoeddi neu sydd mewn fformat y gellid ei gyhoeddi fod wedi'u nodi'n glir.

24. Rhaid i unrhyw waith a gyflwynir o fewn y traethawd ymchwil ar ffurf amgen fod yn sylweddol wahanol i unrhyw waith sydd, o bosibl, wedi'i gyflwyno am unrhyw radd yn y sefydliad hwn neu unrhyw sefydliad arall.

25. Mae'n hanfodol bod y traethawd ymchwil ar ffurf amgen yn cynnwys dadansoddiad manwl a beirniadol o'r gwaith a'r dulliau a ddefnyddiwyd, gan ei bod yn bosibl na fydd adrannau sydd wedi'u fformadu ar gyfer cyhoeddi/dosbarthu yn cynnwys y lefel hon o fanylder eisoes. Dylai strwythur y traethawd ymchwil ar ffurf amgen gynnwys y canlynol:

I. Yr holl dudalennau angenrheidiol ar gyfer cyflwyno traethawd ymchwil arferol, y ceir manylion yn eu cylch yn y canllawiau cyflwyno PhD

II. Rhesymeg dros gyflwyno'r traethawd ymchwil ar ffurf amgen a disgrifiad o sut y cafodd fformat y traethawd ei greu

III. Cyd-destun ysgrifenedig ar gyfer yr ymchwil, a ddylai gynnwys adrannau/penodau o hyd at 20,000 o eiriau o ran cyfanswm yn diffinio'r rhesymeg ar gyfer yr ymchwil a'r strategaeth a ddefnyddiwyd yn ystod yr ymchwil fel y'i dangosir yn y traethawd ymchwil. Dylai'r adran/penodau cyd-destun gynnwys crynodeb o bob cyhoeddiad a gyflwynwyd; amlinelliad o'u cydberthynas, gan gynnwys cyfosodiad o'r gwaith fel y'i dangoswyd gan y cyhoeddiadau fel astudiaeth gydlynol gyflawn; crynodeb o nodau, amcanion, methodoleg, canlyniadau a chasgliadau yr ymchwil a gwmpasir gan y gwaith a gyflwynwyd; myfyrio beirniadol ar y fethodoleg a'r dulliau ymchwil; adolygiad beirniadol o'r cyfraniad sylweddol a gwreiddiol y mae'r gwaith yn ei wneud i'r maes academiaidd dan sylw; ac arddangosiad o'r cyfraniad gwreiddiol ac annibynnol i wybodaeth a rhesymeg i brofi ei fod o leiaf yn cyfateb i'r hyn a ddangosir fel arfer drwy gyflwyno traethawd ymchwil

IV. Adolygiad ysgrifenedig o ymchwil flaenorol yn cynnwys adrannau yn crynhoi ac yn cyfod ymchwil flaenorol ym maes yr astudiaeth

V. Methodoleg ysgrifenedig yn rhoi manylion y dulliau a ddefnyddiwyd yn ystod yr ymchwil a dadansoddiad beirniadol manwl o'r dulliau hynny a'r wybodaeth y gwnaethant ei darparu

VI. Cyflwyno'r canlyniadau a'r dadansoddiad ohonynt ar ffurf sy'n addas i'w gyflwyno mewn cyfnodolyn a adolygir gan gymheiriaid ac/neu mewn penodau traethawd ymchwil confensiynol fel mewn traethawd ymchwil PhD arferol

VII. Crynodeb/casgliad yn dwyn ynghyd amrywiol ganlyniadau'r gwaith yn synthesis cydlynol ac yn nodi cyfeiriadau ar gyfer gwaith yn y dyfodol

VIII. Cyfeiriadau ac atodiadau fel mewn traethawd ymchwil PhD arferol

26. Gall ymgorffori penodau mewn arddull cyhoeddiad yn y traethawd ymchwil arwain at rywffaint o ddyblygu gan y gall pob pennod yn arddull cyhoeddiad fod ag elfennau hunangynhwysol a allai orgyffwrdd â rhannau o adrannau eraill y traethawd ymchwil. Serch hynny, ni ddylai uchafswm hyd y traethawd ymchwil doethurol ar ffurf amgen fod yn hwy, fel arfer, na hyd traethawd ymchwil arferol.

27. Fel yn achos traethawd ymchwil doethurol arferol, dylai arholwyr fodloni eu hunain bod y traethawd ymchwil ar ffurf amgen yn cwrdd anghenion y radd ddoethurol fel y cânt eu pennu yn y rheoliadau a'r polisiau priodol. Nid yw'r ffaith fod traethawd ymchwil yn cynnwys deunydd sydd wedi'i gyhoeddi neu ei dderbyn ar gyfer ei gyhoeddi yn gwarantu y bydd yr arholwyr yn argymhell y radd y mae'r ymgeisydd yn cael ei (h)arholi ar ei chyfer.

Rheoliadau ar gyfer Gradd Doethur mewn Athroniaeth (Cymeradwywyd i fyfyrwyr a dderbynnir o fis Medi 2023)

Mae'r Rheoliadau hyn yn rheoli dyfarnu gradd Doethur mewn Athroniaeth ym Mhrifysgol Aberystwyth, sef y Brifysgol o hyn allan.

Gall y Brifysgol ddyfarnu gradd Doethur mewn Athroniaeth i gydnabod cwblhau'n llwyddiannus gynllun o astudio pellach ac ymchwil y bernir bod ei ganlyniadau yn gyfraniad gwreiddiol i ddysg ac yn dystiolaeth o astudio systematig a'r gallu i gysylltu canlyniadau'r cyfryw astudio â'r corff cyffredinol o wybodaeth yn y pwnc.

Bydd y cyfeiriadau isod at y traethawd ymchwil yn cwmpasu cyflwyniadau ar ffurfiau amgen (gweler rheoliadau 17–27 isod) a chyflwyniadau sy'n seiliedig ar ymarfer yn y celfyddydau creadigol (gweler rheoliad 16).

Wrth farnu teilyngdod traethawd ymchwil a gyflwynir mewn ymgeisyddiaeth am radd PhD, bydd yr arholwyr yn cadw mewn cof safon ac ystod y gwaith y mae'n rhesymol disgwyl i fyfyrwr galluog a dygn ei gyflwyno ar ôl cyfnod o dair neu pedair blynedd (fel y bo'n briodol) o astudio llawn-amser, neu'r hyn sy'n cyfateb yn rhan-amser.

Ar ôl cwblhau Gradd Doethur, bydd graddedigion wedi cyflawni Lefel D, fel y'i diffinnir gan Fframwaith yr ASA ar gyfer Cymwysterau Addysg Uwch yng Nghymru, Lloegr a Gogledd Iwerddon.

Dulliau Astudio

1. Gall ymgeisydd astudio ar gyfer y radd drwy gyfrwng un o'r dulliau canlynol:

A drwy wneud ymchwil lawn-amser yn y Brifysgol;

B drwy wneud ymchwil lawn-amser mewn man cyflogaeth allanol;

C drwy wneud ymchwil ran-amser yn y Brifysgol neu'n allanol;

Dylai myfyrwyr sy'n gwneud cais o dan adran B fod yn gweithio mewn canolfan ymchwil allanol neu sefydliad tebyg sydd â'r staff a'r adnoddau i gynnal a goruchwyllo'r prosiect ymchwil ond nad oes ganddynt bwerau dyfarnu graddau. Mae'n rhaid i ymgeiswyr ddarparu:

- datganiad o gefnogaeth gan y cyflogwr yn cadarnhau y byddant yn caniatáu i'r myfyriwr weithio'n llawn-amser ar y prosiect ymchwil ac y byddant yn darparu'r adnoddau angenrheidiol.
- cadarnhad o'r trefniadau goruchwyllo gan gynnwys CV y goruchwylwr lleol.
- cadarnhad fod gan yr ymgeisydd, neu y gallai gael, y sgiliau ymchwil angenrheidiol heb fynychu hyfforddiant ymchwil PA.
- cytundeb ar unrhyw hyfforddiant ymchwil PA fydd ei angen.

2. Mae'n bosibl, mewn achosion addas, i drosglwyddo o un dull o'r rheoliadau i un arall, e.e. o lawn-amser (Dull A) i ran-amser (Dull C) ac fel arall. Mewn achosion o'r fath, bydd y Brifysgol yn pennu isafswm cyfnod astudio diwygiedig ac yn gosod y dyddiad cynharaf ar gyfer cyflwyno'r traethawd ymchwil.

Cymhwysterau

3. Rhaid i ymgeisydd am radd PhD feddu ar un o'r cymwysterau canlynol cyn dechrau ar ei ymchwil neu ei hymchwil:

- (a) gradd gychwynnol o Brifysgol Aberystwyth;
- (b) gradd gychwynnol o Brifysgol arall a gymeradwywyd at y diben hwn;
- (c) cymhwyster nad yw'n radd y mae'r Brifysgol wedi barnu ei fod yn cyfateb i raddio.

Gall adrannau osod gofynion ychwanegol megis cyflawni dosbarth gradd penodol neu feddu ar ddyfarniad Meistr.

Rhaid i ddarpar ymgeisydd a chanddo/a chanddi eisoes radd ddoethurol allu dangos bod y cynllun PhD mewn maes ymchwil gwahanol i'r un y dyfarnwyd y PhD (neu radd ddoethurol arall) amdano.

4. Beth bynnag fo cymwysterau ymgeisydd, rhaid i'r Brifysgol fodloni ei hun bod ymgeisydd o'r safon academaidd sy'n ofynnol er mwyn cwblhau'r cynllun ymchwil arfaethedig. Gall hyn olygu gofyn i'r ymgeisydd ddarparu portffolio o ysgrifennu creadigol neu fath arall, a chyfweld ag ymgeiswyr i asesu eu dealltwriaeth o'r cynnig ymchwil.

5. Mae'n ofynnol i'r holl ymgeiswyr fatricwleiddio gyda'r Brifysgol. Mae'r Brifysgol yn darparu rhestr o safonau a gymeradwywyd a fydd yn caniatáu mynediad i ymgeisyddiaeth am un o raddau uwch y Brifysgol. Cynhwysir y rhestr hon yn y "Rheoliadau ar gyfer Cymeradwyo Cymwysterau a/neu Brofiad Perthnasol ar gyfer Derbyn i Raddau, Diplomâu a Thystysgrifau Uwch Prifysgol Aberystwyth".

Yn achos ymgeisydd nad oes ganddo/ganddi gymhwyster mynediad cydnabyddedig, rhaid i'r Adran dan sylw wneud argymhelliad arbennig ar gyfer ei d(d)erbyn i'r Swyddfa Derbyn Uwchraddedigion a rhaid i'r gymeradwyaeth gael ei chadarnhau cyn bod cynllun astudio arfaethedig yr ymgeisydd yn cychwyn.

Cyfnodau Cofrestru a Threfniadau Prawf

6. Rhaid i'r ymgeisydd ymrestru yn y Brifysgol, talu'r ffi briodol a bennir a dilyn y cynllun ymchwil am yr isafswm cyfnod a ddiffinnir isod:

Dulliau A a B:

Isafswm cyfnod: tair blynedd, y gyntaf ohonynt yn cael ei hystyried yn flwyddyn brawf

Dulliau C:

Isafswm cyfnod: chwe blynedd, y ddwy flynedd gyntaf ohonynt yn cael eu hystyried yn flynyddoedd prawf

Serch yr uchod, gall yr Adran ei gwneud yn ofynnol i ymgeisydd wneud ymchwil am gyfnod hwy na'r cyfnodau isafswm hyn.

7. Er mwyn caniatáu i'r arholiad gael ei gwblhau, caniateir i ymgeisydd gyflwyno traethawd ymchwil chwe mis cyn i'r cynllun astudio a gymeradwywyd ddod i ben. Er hynny, bydd ffioedd dysgu yn daladwy am y cyfnod cofrestru llawn. Pan fydd cyfnod ychwanegol o ymchwil yn ofynnol gan yr ymgeisydd (fel y disgrifir dan baragraff 6 uchod) bydd dyddiad cyflwyno cynharaf yr ymgeisydd yn cael ei ymestyn gan gyfnod o amser sy'n gyfartal o ran hyd â hyd y cyfnod astudio ychwanegol.

8. Yn ystod y flwyddyn/cyfnod prawf, disgwylir i'r ymgeisydd ddangos ei (g)allu i fwrw ymlaen ag ymchwil bellach.

9. Serch paragraffau 5 a 7 uchod, gall ymgeisydd gael ei (h)eithrio rhag y flwyddyn/cyfnod prawf os ydyw ef/hi:

(a) yn meddu ar radd Meistr uwchraddedig o Brifysgol a gymeradwywyd, a honno wedi ei hennill drwy ymchwil neu uwch-astudiaethau sydd ym marn yr adran/Athrofa yn gefndir academaidd digonol i ganiatáu i'r ymchwil arfaethedig gael ei chwblhau o fewn dwy flynedd.

(b) wedi cwblhau o leiaf flwyddyn yn llawn-amser neu ddwy flynedd yn rhan-amser o waith uwchraddedig o dan oruchwyliaeth yn yr un ddisgyblaeth academaidd â'r cynllun ymchwil PhD arfaethedig er boddhad y Brifysgol ar argymhelliad yr adran/Athrofa briodol.

(c) wedi cyflwyno gwaith ymchwil uwchraddedig o safon sy'n cyfateb yn fras i safon gradd Meistr ac wedi ei gymeradwyo gan y Brifysgol ar argymhelliad yr Adran/Athrofa briodol.

(d) wedi cael o leiaf flwyddyn o brofiad perthnasol ers graddio, a chymeradwyaeth o'r fath i'w rhoi gan y Brifysgol ar argymhelliad yr Adran/Athrofa briodol.

Rhestrir y Prifysgolion hynny y mae eu graddau Meistr wedi'u cymeradwyo at ddibenion eithrio o'r cyfnod prawf yn 'Rheoliadau ar gyfer Cymeradwyo Cymwysterau a/neu Brofiad Perthnasol ar gyfer Derbyn i Raddau, Diplomâu a Thystysgrifau Uwch Prifysgol Aberystwyth'.

Ni ddyfernir unrhyw eithriadau eraill.

Terfynau Amser

10. Daw ymgeisyddiaeth i ben os na chyflwynir traethawd ymchwil, yn y ffurf a'r modd a bennwyd, erbyn y terfyn amser a restrir isod:

Dulliau A a B:

Pedair blynedd o ddechrau swyddogol cyfnod astudio'r ymgeisydd, neu, lle mae'r ymgeisydd wedi ei eithrio rhag y flwyddyn brawf, tair blynedd o ddechrau swyddogol cyfnod astudio'r ymgeisydd.

Dulliau C:

Wyth mlynedd o ddechrau swyddogol cyfnod astudio'r ymgeisydd, neu, lle mae'r ymgeisydd wedi ei eithrio rhag y cyfnod prawf, chwe blynedd o ddechrau swyddogol cyfnod astudio'r ymgeisydd.

Gall y terfynau amser uchod gael eu hymestyn gan y Brifysgol, ond dim ond mewn achosion eithriadol ac yn unol â'r meini prawf a osodwyd yn y Rheoliadau ar gyfer Cyflwyno Traethodau Ymchwil am Raddau Ymchwil a'u Harholi. Rhaid i adran yr ymgeisydd gyflwyno cais rhesymedig, wedi'i gefnogi â thystiolaeth annibynnol addas, i'r Brifysgol ei ystyried.

D.S. I fyfyrwyr a dderbyniwyd o fis Medi 2018, mae'r Cyfyngiadau Amser canlynol ar gyfer Cwblhau, gan gynnwys unrhyw gyfnodau o dynnu'n ôl dros dro ac estyniadau a gymeradwywyd gan Bennaeth yr Academi Ddoethurol, yn berthnasol:

O'r dyddiad cofrestru cychwynnol tan eich bod yn cyflwyno'r traethawd ymchwil i'w arholi am y tro cyntaf:

PhD/PhDFA amser-llawn: chwe blynedd

PhD/PhDFA rhan-amser: deng mlynedd

Gellir cael estyniadau i'r cyfyngiadau hyn gan y Dirprwy Is-Ganghellor (Ymchwil) o dan yr amod:

1. Bod tystiolaeth o amgylchiadau arbennig yn cael ei chyflwyno
2. Bod adran y myfyriwr yn cadarnhau bod y prosiect ymchwil yn parhau i fod yn gyfredol ac yn ddichonadwy a bod y myfyriwr yn gallu cwblhau'r prosiect o fewn cyfnod yr estyniad.

Goruchwylio

11. Rhaid i'r Brifysgol sicrhau bod ymgeiswyr yn cael eu goruchwylio, yn rheolaidd ac yn barhaus, yn unol â'i gweithdrefnau cyffredinol ar gyfer goruchwylio uwchraddedig.

12. Bydd gan bob ymgeisyddiaeth dîm o oruchwylwyr yn cynnwys o leiaf un prif oruchwilydd ac ail oruchwilydd, a enwebir gan Adran yr ymgeisydd.

- Fel arfer bydd y prif oruchwilydd yn aelod o staff academaidd y Brifysgol;

- Fel arfer, bydd yr ail oruchwylydd yn aelod o staff academaidd y Brifysgol neu sefydliad neu gorff sy'n cydweithredu â hi.

Bydd y Brifysgol yn sicrhau bod y gweithdrefnau ar gyfer goruchwylio uwchraddedigion ar gael i fyfyrwyr a goruchwylwyr trwy gyfrwng y Codau Ymarfer a'r Llawlyfr Goruchwylwyr.

Hyd y Traethawd Ymchwil, a'i Gyflwyno

13. Rhaid i bob ymgeisydd gwblhau ei (h)ymchwil drwy gyflwyno traethawd ymchwil (100,000 o eiriau o hyd ar y mwyaf, heb gynnwys atodiadau a chyfeiriadau) sy'n ymgorffori dulliau a chanlyniadau'r ymchwil. Bydd angen i Fwrdd Arholi wedi ei gyfansoddi'n briodol gynnal arholiad llafar ar gyfer ymgeisydd PhD sy'n cyflwyno traethawd ymchwil i'w arholi. Er hynny, fe ellir hepgor y gofyniad hwn ar ddisgresiwn y Bwrdd Arholi, wrth arholi traethawd ymchwil sydd wedi ei ailgyflwyno pan mae'r arholwyr yn argymhell pasio'n glir heb newidiadau, neu gyda chywiriadau neu newidiadau mân iawn yn unig. Dan amgylchiadau eraill eithriadol, gellir hepgor arholiad llafar ar gyfer traethawd sydd wedi'i ailgyflwyno gyda chymeradwyaeth y Bwrdd Arholi a Phennaeth yr Academi Ddoethurol.

14. Rhaid i ymgeiswyr lofnodi datganiad yn ardystio na dderbyniwyd y gwaith a gyflwynir yn ei hanfod am unrhyw radd neu ddyfarniad, ac nad yw'n cael ei gyflwyno ar yr un pryd mewn ymgeisyddiaeth am unrhyw radd neu ddyfarniad arall. Rhaid cynnwys y datganiad, wedi ei lofnodi, ym mhob copi o'r gweithiau a gyflwynir i'w harholi.

15. Rhaid i'r Brifysgol sicrhau bod ffurf cyflwyno ac arholi'r traethawd ymchwil yn cydymffurfio â Rheoliadau'r Brifysgol ar gyfer Cyflwyno Traethodau Ymchwil a'u Harholi.

Darpariaethau arbennig mewn perthynas â Chynlluniau yn y Celfyddydau Creadigol

16. Yn achos ymgeiswyr sy'n dilyn cynlluniau gradd ymchwil cymeradwyedig sy'n syrthio o fewn maes pwnc Celfyddydau Creadigol a Pherfformiadol y Brifysgol, gall y traethawd ymchwil fod ar un neu ragor o'r ffurfiau canlynol: arteffact, sgôr, testun, portffolio o weithiau gwreiddiol, perfformiad neu arddangosfa. Dylid cyflwyno ar y cyd â'r gwaith sylwadaeth sy'n gosod y gwaith yn ei gyd-destun academaidd, ynghyd ag unrhyw eitemau eraill a all fod yn ofynnol (e.e. catalog, neu recordiad sain neu weledol).

Ym mhob achos, bydd y cyflwyniad a'r sylwadaeth ysgrifenedig wedi'u rhwymo, a bydd yr eitemau eraill sy'n ofynnol (e.e. tâp neu gyfrwng arall) wedi'u cynnwys mewn cynhwysydd sy'n addas i'w storio ar silff llyfrgell ac arno, ar y meingefn, yr un wybodaeth â'r hyn sy'n ofynnol ar gyfer traethodau estynedig/traethodau ymchwil. Dylid gosod y wybodaeth hon fel ei bod yn rhwydd i'w darllen ar y cynhwysydd yn y safle lle caiff ei storio.

Cyflwyno ar ffurf amgen

17. Mae'r ffurf amgen yn caniatáu i ymgeisydd doethurol ymgorffori deunydd sydd mewn fformat addas i'w gyflwyno ar gyfer ei gyhoeddi mewn cyfnodolyn a adolygir gan gymheiriaid. Ar wahân i'r ffaith ei fod yn cynnwys deunyddiau o'r fath, rhaid i'r traethawd ymchwil ar ffurf amgen gydymffurfio â'r un rheoliadau sy'n rheoli'r traethawd ymchwil PhD arferol. Bydd y meini prawf ar gyfer y dyfarniad a'r safon y mae'n rhaid ei chyrraedd hefyd yr un fath ag ar gyfer y PhD arferol. Rhaid i ymgeiswyr sydd eisiau cyflwyno eu gwaith ar y ffurf amgen ddilyn y canllawiau isod.

18. Gall deunyddiau a gynhwysir yn y traethawd ymchwil ar ffurf amgen gynnwys rhai sydd wedi'u cynhyrchu gan y myfyriwr yn unig ac/neu yn rhannol a gallant fod wedi'u cyhoeddi eisoes, wedi'u derbyn ar gyfer eu cyhoeddi, neu wedi eu cyflwyno i gael eu cyhoeddi mewn cyd-destunau a gymedrolir yn allanol megis cyfnodolion a thrafodion cynhadledd.

19. Dylai'r traethawd ymchwil barhau i fod yn gyfraniad gwreiddiol gan y myfyriwr i'r maes ymchwil, beth bynnag fo ei fformat. Rhaid gwneud datganiad clir ar ddechrau'r traethawd ymchwil i egluro a chyfiawnhau yn llawn natur a maint cyfraniad yr ymgeisydd ei hun a chyfraniad unrhyw gyd-awduron a chyd-weithredwyr eraill i'r cyhoeddiadau a gyflwynwyd. Rhaid i'r cyd-awduron neu'r cyd-weithredwyr lofnodi datganiadau yn cadarnhau hyn. Dylai'r deunyddiau a ymchwiliwyd ddeillio o ymchwil wreiddiol a wnaed wedi'r dyddiad pan gofrestrodd y myfyriwr gyntaf gyda'r Brifysgol.

20. Rhaid i unrhyw ymgeisydd sy'n dymuno cyflwyno ei draethawd ymchwil ar ffurf amgen gyflwyno cais ysgrifenedig, yn rhoi amlinelliad o strwythur arfaethedig y traethawd ymchwil i'w oruchwylydd a'r Pwyllgor Monitro Uwchraddedig priodol er mwyn ei gymeradwyo. Rhaid cyflwyno'r cais hwn cyn diwedd blwyddyn dau i ymgeiswyr llawn-

amser a diwedd blwyddyn pedwar i ymgeiswyr rhan-amser. Dylai'r cais nodi pam mae'r traethawd ymchwil ar ffurf amgen yn fwy addas i'r prosiect ymchwil a dangos sut y bydd yr ymgeisydd yn cymryd mantais lawn o'r ffurf amgen. Os rhoddir cymeradwyaeth i gyflwyno ar ffurf amgen, rhaid i'r myfyriwr gael y ffurflen Caniatâd i gyflwyno traethawd ymchwil PhD ar ffurf amgen o'r swyddfa briodol. Rhaid i fyfyrwyr gyflwyno'r ffurflen gyda'u traethawd ymchwil.

21. Gall nifer y papurau a gynhwysir yn y traethawd ymchwil ar ffurf amgen amrywio yn ôl y ddisgyblaeth, ond bydd fel arfer rhwng tri a phump. Dylai'r papurau adlewyrchu maint, ansawdd a gwreiddioldeb yr ymchwil a'r dadansoddi a ddisgwyllir gan ymgeisydd sy'n cyflwyno traethawd ymchwil doethurol arferol.

22. Rhaid i'r papurau gynrychioli corff o wybodaeth o fewn traethawd ymchwil cydlynol a pharhaus, yn hytrach na chyfres o gyhoeddiadau digyswllt. O'r herwydd, dylai unrhyw gyhoeddiadau fod wedi'u haddasu a'u hintegreiddio o fewn strwythur y traethawd ymchwil. Dylai unrhyw adrannau o'r traethawd ymchwil sydd wedi'u cyhoeddi neu sydd mewn fformat y gellid ei gyhoeddi fod wedi'u nodi'n glir.

23. Rhaid i unrhyw waith a gyflwynir o fewn y traethawd ymchwil ar ffurf amgen fod yn sylweddol wahanol i unrhyw waith sydd, o bosibl, wedi'i gyflwyno am unrhyw radd yn y sefydliad hwn neu unrhyw sefydliad arall.

24. Mae'n hanfodol bod y traethawd ymchwil ar ffurf amgen yn cynnwys dadansoddiad manwl a beirniadol o'r gwaith a'r dulliau a ddefnyddiwyd, gan ei bod yn bosibl na fydd adrannau sydd wedi'u fformadu ar gyfer cyhoeddi/dosbarthu yn cynnwys y lefel hon o fanylder eisoes. Dylai strwythur y traethawd ymchwil ar ffurf amgen gynnwys y canlynol:

I. Yr holl dudalennau angenrheidiol ar gyfer cyflwyno traethawd ymchwil arferol, y ceir manylion yn eu cylch yn y canllawiau cyflwyno PhD

II. Rhesymeg dros gyflwyno'r traethawd ymchwil ar ffurf amgen a disgrifiad o sut y cafodd fformat y traethawd ei greu

III. Cyd-destun ysgrifenedig ar gyfer yr ymchwil, a ddylai gynnwys adrannau/penodau o hyd at 20,000 o eiriau o ran cyfanswm yn diffinio'r rhesymeg ar gyfer yr ymchwil a'r strategaeth a ddefnyddiwyd yn ystod yr ymchwil fel y'i dangosir yn y traethawd ymchwil. Dylai'r adran/penodau cyd-destun gynnwys crynodeb o bob cyhoeddiad a gyflwynwyd;

amlinelliad o'u cydberthynas, gan gynnwys cyfosodiad o'r gwaith fel y'i dangoswyd gan y cyhoeddiadau fel astudiaeth gydlynol gyflawn; crynodeb o nodau, amcanion, methodoleg, canlyniadau a chasgliadau yr ymchwil a gwmpasir gan y gwaith a gyflwynwyd; myfyrio beirniadol ar y fethodoleg a'r dulliau ymchwil; adolygiad beirniadol o'r cyfraniad sylweddol a gwreiddiol y mae'r gwaith yn ei wneud i'r maes academaidd dan sylw; ac arddangosiad o'r cyfraniad gwreiddiol ac annibynnol i wybodaeth a rhesymeg i brofi ei fod o leiaf yn cyfateb i'r hyn a ddangosir fel arfer drwy gyflwyno traethawd ymchwil

IV. Adolygiad ysgrifenedig o ymchwil flaenorol yn cynnwys adrannau yn crynhoi ac yn cyfosod ymchwil flaenorol ym maes yr astudiaeth

V. Methodoleg ysgrifenedig yn rhoi manylion y dulliau a ddefnyddiwyd yn ystod yr ymchwil a dadansoddiad beirniadol manwl o'r dulliau hynny a'r wybodaeth y gwnaethant ei darparu

VI. Cyflwyno'r canlyniadau a'r dadansoddiad ohonynt ar ffurf sy'n addas i'w gyflwyno mewn cyfnodolyn a adolygir gan gymheiriaid ac/neu mewn penodau traethawd ymchwil confensiynol fel mewn traethawd ymchwil PhD arferol

VII. Crynodeb/casgliad yn dwyn ynghyd amrywiol ganlyniadau'r gwaith yn synthesis cydlynol ac yn nodi cyfeiriadau ar gyfer gwaith yn y dyfodol

VIII. Cyfeiriadau ac atodiadau fel mewn traethawd ymchwil PhD arferol

25. Gall ymgorffori penodau mewn arddull cyhoeddiad yn y traethawd ymchwil arwain at rywfaint o ddyblygu gan y gall pob pennod yn arddull cyhoeddiad fod ag elfennau hunangynhwysol a allai orgyffwrdd â rhannau o adrannau eraill y traethawd ymchwil. Serch hynny, ni ddylai uchafswm hyd y traethawd ymchwil doethurol ar ffurf amgen fod yn hwy, fel arfer, na hyd traethawd ymchwil arferol.

26. Fel yn achos traethawd ymchwil doethurol arferol, dylai arholwyr fodloni eu hunain bod y traethawd ymchwil ar ffurf amgen yn cwrdd anghenion y radd ddoethurol fel y cânt eu pennu yn y rheoliadau a'r polisïau priodol. Nid yw'r ffaith fod traethawd ymchwil yn cynnwys deunydd sydd wedi'i gyhoeddi neu ei dderbyn ar gyfer ei gyhoeddi yn gwarantu y bydd yr arholwyr yn argymhell y radd y mae'r ymgeisydd yn cael ei (h)arholi ar ei chyfer.

27. Gall cyhoeddi papurau ymchwil mewn cyfnodolion arwain at gostau ariannol; er enghraifft taliadau ar gyfer tudalennau mewn cyfnodolion, costau talu ar gyfer cyhoeddi

mewn cyfnodolion "Mynediad Agored" neu gostau atgynhychu mewn lliw. Rhaid i'r myfyriwr gael gwybod am y costau ariannol posibl hyn gan y tîm goruchwyllo ar yr adeg pan wneir y penderfyniad i gynhychu traethawd ymchwil fformat amgen.

Rheoliadau ar gyfer Dyfarnu Gradd PhD (drwy Weithiau Cyhoeddedig)

Cymeradwywyd i fyfyrwyr sy'n cychwyn o fis Medi 2023 ymlaen

Mae'r radd PhD drwy Weithiau Cyhoeddedig yn gymhwyster doethurol sy'n seiliedig ar ymchwil a wnaed ac a gyhoeddwyd eisoes. Ynghyd â'r deunyddiau hyn ceir dadansoddiad beirniadol i ddangos bod cwmpas, cydlynad ac arwyddocâd y gweithiau cyhoeddedig, yn ogystal â'r cyfraniad a wnânt tuag at ein gwybodaeth, yn cyfateb i PhD sy'n seiliedig ar brosiect ymchwil a wneir yn y brifysgol.

Bydd y meini prawf ar gyfer dyfarnu Gradd PhD (drwy Weithiau Cyhoeddedig) yr un fath â'r meini prawf a bennwyd ar gyfer Gradd PhD

Gellir diffinio 'Gweithiau Cyhoeddedig' fel gweithiau sydd yn y parth cyhoeddus neu sydd o leiaf wedi eu derbyn i gael eu cyhoeddi (ar yr amod bod yr ymgeisydd yn gallu rhoi prawf digonol bod hynny'n wir). Ni ddylai'r gweithiau a gyflwynir i'w harholi fod wedi eu cyhoeddi fwy na deng mlynedd cyn y dyddiad cofrestru.

Yn unol â chynlluniau graddau ymchwil sy'n dod o fewn maes pynciau Celfyddydau Creadigol a Pherfformiadol y Brifysgol, gall y gweithiau cyhoeddedig fod ar un neu ragor o'r ffurfiau canlynol: arteffact, sgôr, testun, portffolio o weithiau gwreiddiol, perfformiad neu arddangosfa. Dylid cyflwyno, ar y cyd â'r gwaith, unrhyw eitemau eraill a all fod yn ofynnol (e.e. catalog, neu recordiad sain neu weledol).

Ar ôl cwblhau gradd Doethur, bydd graddedigion wedi cyflawni Lefel D fel y'i diffinnir gan Fframwaith yr ASA ar gyfer Cymwysterau Addysg Uwch yng Nghymru, Lloegr a Gogledd Iwerddon.

Cymhwystra Ymgeiswyr

1. Ac eithrio fel y darperir yn Rheoliadau 3 a 4 isod, rhaid i unrhyw ymgeisydd am Radd PhD (drwy Weithiau Cyhoeddedig) fod yn aelod o'r staff academiaidd ym Mhrifysgol Aberystwyth ers o leiaf dair blynedd cyn cofrestru ar gyfer y radd. Diben y rheoliadau hyn yw galluogi staff academiaidd a chanddynt hanes o gyhoeddi i ennill doethuriaeth.
2. Rhaid i ymgeisydd am y radd fod wedi'i gofrestru fel ymgeisydd rhan-amser yn y Brifysgol cyn yr arholi ar gyfer y Radd. Rhaid cyflwyno'r gweithiau a'r dadansoddiad beirniadol i'w harholi o fewn 12 mis ar ôl y dyddiad cofrestru.

3. Ni fydd unigolion yn gymwys i symud ymlaen i Radd PhD (drwy Weithiau Cyhoeddedig) o dan y rheoliadau hyn os ydynt eisoes wedi'u cymeradwyo ar gyfer PhD neu Radd Doethur berthynol arall gan y Brifysgol.

4. Ni chaiff ymgeiswyr sydd wedi eu harholi am Radd Doethur ond nad ydynt wedi eu cymeradwyo am radd o'r fath ddod yn ymgeisydd am Radd PhD o dan y Rheoliadau hyn.

Gwneud cais

5. Bydd darpar ymgeiswyr am Radd PhD (drwy Weithiau Cyhoeddedig) yn nodi'r Adran fwyaf priodol yn y Brifysgol ar gyfer cofrestru, ac yn cyflwyno cais i'r Swyddfa Derbyn Uwchraddedigion i ddatgan y pwnc y mae eu cyfraniadau at ysgolheictod wedi'u cysylltu agosaf ag ef, gan roi manylion y gwaith neu'r gweithiau cyhoeddedig y seilir eu cais am y radd arnynt. Wrth bwysu a mesur y cais, bydd yr Adran yn gofyn am farn staff a chanddynt arbenigedd perthnasol yn y pwnc, gan gynnwys darpar gynghorydd yr ymgeisydd, i ystyried y gweithiau a gyflwynwyd er mwyn penderfynu a oes achos prima facie, ai peidio, o blaid cyfeirio'r gweithiau i'w harholi, cyn derbyn yr ymgeisydd. Wrth ystyried y penderfyniad hwn, rhaid i adrannau fod yn argyhoeddedig, ymysg pethau eraill, y gellir asesu'r deunydd a gyflwynir (e.e. bod cofnod fideo llawn ar gyfer gweithiau celf perfformio) ac, yn achos deunyddiau a ysgrifennwyd ar y cyd, y gellir pennu union gyfraniad yr ymgeisydd. Rhaid ystyried materion o'r fath yn llawn cyn derbyn yr ymgeisydd a rhaid cyfeirio unrhyw geisiadau sy'n codi pryderon ynghylch dilysrwydd deunyddiau ar sail o'r fath at Bennaeth yr Academi Ddoethurol i gael penderfyniad terfynol ar dderbyn yr ymgeisydd.

6. Wrth gyflwyno cais, bydd yn ofynnol i ymgeiswyr

(a) ddatgan nad yw'r cyflwyniad yn ei gyfanrwydd yr un fath, i raddau helaeth, ag unrhyw gyflwyniad y maent wedi ei wneud o'r blaen neu y maent wrthi'n ei wneud ar hyn o bryd, boed ar ffurf gyhoeddedig neu heb ei gyhoeddi, am radd, diploma na chymhwyster tebyg mewn unrhyw brifysgol neu sefydliad tebyg,

(b) datgan pa rannau (os o gwbl) o'r gwaith neu'r gweithiau a gyflwynir sydd wedi eu cyflwyno o'r blaen ar gyfer cymhwyster arall,

(c) datgan na fydd y gwaith neu'r gweithiau a gyflwynir yn cael eu cyflwyno ar gyfer unrhyw gymhwyster o'r fath mewn prifysgol neu sefydliad tebyg arall, nes bod canlyniad y cais presennol i'r Brifysgol yn hysbys,

(d) cyflwyno copïau electronig, neu fel arall dri chopi papur o bob un o'r gweithiau cyhoeddiedig dan sylw, ynghyd â rhestr o'r gweithiau a gyflwynir.

Ymgeisyddiaeth

7. Bydd yn ofynnol i'r ymgeiswyr ddarparu dadansoddiad beirniadol ysgrifenedig a fydd:

- yn gosod y cyhoeddiadau yng nghyd-destun y testunau academaidd y maent wedi gweithio â hwy a'r maes y maent wedi gweithio ynddo.
- yn rhoi dadansoddiad beirniadol sy'n nodi'r cyfraniad gwreiddiol tuag at ddysg yn y maes hwnnw y mae eu gwaith, yn eu barn hwy, wedi ei wneud.
- yn nodi bod y deunydd a gyflwynwyd yn ddarn cydlynol o waith sy'n cyfateb o ran ei gwmpas a'i lefel i ddoethuriaeth yn eu maes.
- yn disgrifio ac yn rhoi tystiolaeth o effaith eu gwaith, a allai gynnwys cyfeirnodau ac a allai gyfeirio at ansawdd y cyfnodolion a adolygwyd gan gymheiriaid neu'r mannau eraill lle mae'r cyhoeddiadau wedi ymddangos.
- yn nodi pa mor gyfredol yw'r cyhoeddiadau o fewn y testunau academaidd perthnasol.
- os mai gweithiau creadigol yw'r deunyddiau a gyflwynwyd, bydd angen i ymgeiswyr ddangos bod y gweithiau hyn wedi cael eu creu ar sail cwestiynau ymchwil, neu bod y broses creadigol a ystyriwyd wedi hynny wedi archwilio cwestiynau ymchwil yn y modd y byddai PhD creadigol-ymarferol wedi gwneud, er mwyn rhoi'r sylfaen academaidd angenrheidiol.

Nifer Geiriau

8. Fel arfer bydd y dadansoddiad creadigol rhwng tua 5,000 a 10,000 o eiriau. Fodd bynnag, os yw'r gweithiau cyhoeddiedig yn weithiau creadigol na chawsant eu hysgrifennu'n benodol yn rhan o ymchwiliad i gwestiynau ymchwil pendant o fewn

testunau academaidd penodol, caniateir hyd at 25,000 o eiriau ac mae'n bosibl y bydd eu hangen er mwyn dadlau'r achos bod yr allbwn ymchwil yn cyfateb i PhD ymarferol.

9. Er y bydd y deunyddiau cyhoeddedig yn amrywio o ran hyd gan ddibynnu ar y ddisgyblaeth dan sylw, ni ddylai cyfanswm hyd yr hyn a gyflwynir, gan gynnwys y dadansoddiad beirniadol, fod yn hwy, fel arfer, nag uchafswm nifer geiriau PhD, sef 100,000 o eiriau, heb gynnwys yr atodiadau a'r cyfeirnodau. Os cyflwynir gwaith sy'n hwy na hyn, rhaid cyfiawnhau pam.

10. Caiff ymgeiswyr gyflwyno gwaith/gweithiau yr ymgwymerwyd â hwy mewn cydweithrediad ag eraill i ategu'r ymgeisyddiaeth, ond rhaid anfon gyda'r gweithiau hynny ddatganiad wedi ei lofnodi gan bob cyd-weithiwr sy'n dangos natur a maint y gwaith a wnaed gan yr ymgeisydd.

11. Bydd y Brifysgol yn pennu cynghorydd neu gynghorwyr a enwebir gan Adran yr ymgeisydd. Dylai fod gan y cynghorydd PhD a phrofiad o arolygu myfyrwyr ymchwil sydd wedi mynd yn eu blaenau i gwblhau eu doethuriaethau yn llwyddiannus. Bydd y cynghorydd/cynghorwyr yn rhoi arweiniad cyffredinol ar gyflwyno'r gweithiau cyhoeddedig i'w harholi ac yn cynghori ar y dadansoddiad beirniadol.

Arholi

12. Yn unol â'r rheoliadau ar gyflwyno ac arholi graddau ymchwil, sefydlir bwrdd arholi a fydd yn cynnwys Cadeirydd a dau arholwr allanol. Gall cynghorydd yr ymgeisydd gael gwahoddiad gan Gadeirydd y Bwrdd Arholi i fod yn bresennol yn yr arholiad llafar mewn swyddogaeth gynghorol, ar yr amod bod yr ymgeisydd yn cymeradwyo hynny.

13. Gall Byrddau Arholi argymhell un o'r dewisiadau canlynol:

(a) Cymeradwyo ymgeiswyr ar gyfer gradd PhD, yn amodol ar unrhyw fân gywiriadau i'r dadansoddiad beirniadol y bydd y Bwrdd Arholi yn gofyn amdanynt. Dylai'r cywiriadau gael eu cwblhau o fewn pedair wythnos waith.

(b) Peidio â chymeradwyo'r ymgeisydd ar gyfer gradd PhD ond, pan fo'r dadansoddiad beirniadol a gyflwynwyd i'w arholi yn foddhaol o ran ei sylwedd ond yn ddiffygiol o ran ei gyflwyniad neu ei fanylion, gellir caniatáu i'r ymgeisydd ei ddiwygio a'i ailgyflwyno ar un achlysur pellach, o fewn blwyddyn i ddyddiad yr ohebiaeth swyddogol iddo ef/hi yn

datgan y canlyniad, ar gyfer gradd PhD ar ôl talu ffi ailarholi. Ni fydd y dewis hwn ar gael pan fydd gwaith a ailgyflwynwyd yn cael ei arholi. Pan fydd gwaith yn cael ei ailgyflwyno, cynhelir ail arholiad llafar ond gall y Bwrdd Arholi benderfynu hepgor hyn os ydyw o'r farn bod y traethawd ymchwil yn amlwg o'r safon angenrheidiol i basio heb unrhyw newidiadau, neu â chywiriadau neu newidiadau hynod o fân yn unig. Mewn amgylchiadau eraill, eithriadol, gellir hepgor yr angen i gynnal arholiad llafar wrth ailgyflwyno gyda chymeradwyaeth y Bwrdd Arholi a Phennaeth yr Academi Ddoethurol. Bydd y Cadeirydd yn rhoi gwybod i'r ymgeisydd pa drefniadau a wnaed ar gyfer yr arholiad llafar.

(c) Peidio â chymeradwyo'r ymgeisydd ar gyfer gradd PhD.

14. Wedi i'r arholwyr eu cymeradwyo, bydd y dadansoddiad beirniadol ac unrhyw weithiau cysylltiedig perthnasol neu ddolenni iddynt yn cael eu llwytho i gadwrfa ymchwil y Brifysgol.

Adolygwyd: Mai 2025

Rheoliadau ar gyfer Graddau Doethurol Proffesiynol ac ar sail Ymarfer drwy Arholiad a Thraethawd Ymchwil neu Bortffolio

Mae'r rheoliadau hyn yn ymwneud â dyfarnu Graddau Doethurol drwy Arholiad a Thraethawd Ymchwil (Doethuriaethau Proffesiynol – DProf – neu ddyfarniad ac iddo enw penodol) ym Mhrifysgol Aberystwyth. Dyfernir Doethuriaethau Proffesiynol ac ar sail Ymarfer i gydnabod bod rhaglen astudio gymeradwy drwy gwrs, ynghyd ag astudiaethau pellach ac ymchwil, wedi'u cwblhau'n llwyddiannus.

Mae prosiectau ymchwil doethuriaethau proffesiynol fel arfer wedi'u lleoli ym mhroffesiwn neu ymarfer yr ymgeisydd. Mewn doethuriaethau ymarferwyr neu ar sail ymarfer mae ffrwyth gwaith yr ymgeisydd yn cynnwys deunyddiau sy'n gysylltiedig ag ymarfer. Er enghraifft, yn y celfyddydau perfformio, mae'r cynnyrch yn cynnwys elfen ysgrifenedig, sy'n cyd-fynd â'r elfen sy'n seiliedig ar ymarfer (gall fod yn fyrrach na thraethawd hir PhD traddodiadol, ac mae'n cynnwys myfyrio a chyd-destun), ac un neu ddwy o elfennau eraill, megis nofel (ar gyfer ysgrifennu creadigol), portffolio o waith (ar gyfer celf a dylunio), neu un neu fwy o ddarnau perfformio (ar gyfer astudiaethau theatr, dawns neu gerddoriaeth).

Mae doethuriaethau proffesiynol wedi'u gwreiddio mewn disgyblaeth academaidd yn ogystal ag mewn proffesiwn (addysg, peirianeg, y gyfraith ac yn y blaen). Mae ymgeiswyr y mae eu hymchwil yn deillio o ymarfer yn unig, nad ydynt yn gweithio mewn maes proffesiynol academaidd-gysylltiedig ac sy'n treulio'r rhan fwyaf o'u hamser yn dysgu yn eu hamgylchedd gweithio yn hytrach na gyda'r darparwr addysg uwch yn fwy tebygol o gwblhau doethuriaeth ar sail ymarfer. Yn lleoliadau'r doethuriaethau proffesiynol ac ar sail ymarfer fel ei gilydd, gall ymchwil yr ymgeisydd arwain yn uniongyrchol at newid sefydliadol neu newid sy'n gysylltiedig â pholisi.

Bwriedir i'r rheoliadau alluogi gweithwyr proffesiynol cymwysedig i ymroi i Ddatblygu Proffesiynol Parhaus (DPP) ar lefel uchel ac astudio ar gyfer gradd Meistr a hyd at lefel doethuriaeth a pharhau i fod yn gyflogedig a chadw cysylltiad agos â'u proffesiwn/gweithle ar yr un pryd.

Dyfernir graddau o'r fath i fyfyrwyr sydd wedi dangos:

eu bod wedi creu a dehongli gwybodaeth newydd, drwy waith ymchwil gwreiddiol neu ysgolheictod uwch arall, y mae ei ansawdd yn bodloni adolygiadau gan gymheiriaid, yn ymestyn ffiniau'r ddisgyblaeth, ac yn teilyngu cael ei gyhoeddi neu ei gynhyrchu;

eu bod wedi caffael a deall yn systematig gorff sylweddol o wybodaeth sydd ar flaen y gad mewn disgyblaeth academaidd neu faes ymarfer proffesiynol neu sy'n debygol o arwain at newid proffesiynol neu sefydliadol yng ngweithle/proffesiwn yr ymgeisydd;

gallu cyffredinol i gysyniadoli, cynllunio a chyflwyno prosiect i greu gwybodaeth, cymwysiadau neu ddealltwriaeth newydd sydd ar flaen y gad yn y ddisgyblaeth, ac i addasu cynllun y prosiect yn sgil problemau annisgwyl;

dealltwriaeth fanwl o dechnegau y gellir eu defnyddio mewn gwaith ymchwil ac ymchwiliadau academaidd uwch.

Yn nodweddiadol, bydd deiliaid y cymhwyster yn gallu:

llunio barn ar sail gwybodaeth am faterion cymhleth mewn meysydd arbenigol, yn aml heb ddata cyflawn, a gallu cyfleu eu syniadau a'u casgliadau'n glir ac yn effeithiol i gynnulleidfaedd o arbenigwyr a rhai nad ydynt yn arbenigwyr;

arfer hunangyfeirio a gwreiddioldeb wrth ymdrin â phroblemau a'u datrys, a gweithio ar eu pen eu hunain i gynllunio a rhoi tasgau ar waith ar lefel broffesiynol neu lefel gyfatebol;

parhau i wneud gwaith ymchwil a datblygu pur a/neu gymwysedig ar lefel uwch, gan gyfrannu'n sylweddol at ddatblygu gwybodaeth, technegau, syniadau neu ddulliau newydd.

Bydd deiliaid graddau doethurol wedi cwblhau hyfforddiant ymchwil a fydd yn rhoi iddynt y nodweddion a'r sgiliau trosglwyddadwy angenrheidiol ar gyfer byd gwaith, sef:

gweithio o'u pen a'u pastwn eu hunain ac arfer cyfrifoldeb personol;

gwneud penderfyniadau mewn sefyllfaedd cymhleth ac anrhagweladwy mewn amgylcheddau proffesiynol neu gyfatebol;

y gallu i ddysgu'n annibynnol sy'n angenrheidiol ar gyfer datblygu proffesiynol parhaus.

Wrth farnu teilyngdod gwaith a gyflwynir ar gyfer Graddau Doethurol drwy Arholiad a Thraethawd Ymchwil neu Bortffolio (**DProf**), bydd arholwyr yn cadw mewn cof safon a

chwmpas y gwaith y mae disgwyl yn rhesymol i fyfyrwr galluog a diwyd ei gyflwyno ar ddiwedd y cyfnod o astudio cofrestredig.

Asesir doethuriaethau proffesiynol ac ar sail ymarfer drwy gyflwyno traethawd ymchwil neu bortffolio, ac arholiad llafar unigol ('viva' neu 'viva voce').

Wrth asesu doethuriaethau proffesiynol a/neu ar sail ymarfer, gall meini prawf arholwyr gynnwys i ba raddau y mae'r ymgeisydd yn deall technegau cyfredol yn y pwnc, er enghraifft drwy ymroi i ddulliau ymchwil a'u defnyddio, a'r ffordd y maent yn llywio ymarfer proffesiynol.

Yn achos doethuriaethau proffesiynol, mae cwblhau'r radd yn llwyddiannus fel arfer yn arwain at newid proffesiynol a/neu sefydliadol sy'n aml yn uniongyrchol yn hytrach nag yn digwydd drwy weithredu canlyniadau ymchwil dilynol.

Ar ôl cwblhau gradd Ddoethurol, bydd graddedigion wedi cyrraedd Lefel 8, fel y'i diffinnir yn Fframweithiau'r Asiantaeth Sicrhau Ansawdd ar gyfer Cymwysterau Addysg Uwch Cyrff Dyfarnu Graddau'r DU, Hydref 2014.

Y Rheoliadau:

1. Caiff ymgeisydd am Radd Doethur trwy Arholiad a Thraethawd Ymchwil astudio am y radd trwy ddilyn rhaglen astudio ac ymchwil amser llawn neu ran amser. Rhaid i ymgeiswyr fod mewn swydd berthnasol neu ymarfer proffesiynol perthnasol.

2. Gall ymgeiswyr gymhwyso ar ôl cwblhau'n llwyddiannus raglen a ddysgir drwy gwrs a rhaglen ymchwil gymeradwy naill ai'n llawn amser neu'n rhan amser.

3. Rhaid i bob ymgeisydd am Radd Ddoethurol drwy Arholiad a Thraethawd Ymchwil fod wedi ennill un o'r cymwysterau isod cyn dechrau'r cwrs:

- gradd gyntaf o Brifysgol Aberystwyth;
- gradd gyntaf o Brifysgol arall a gymeradwywyd at y diben hwn;
- cymhwyster nad yw'n radd y mae'r Brifysgol wedi pennu ei fod yn gyfwerth â gradd.

Waeth beth fo cymwysterau'r ymgeisydd, mae'n rhaid i'r Brifysgol ei bodloni ei hun fod yr ymgeisydd wedi cyrraedd y safon academaidd angenrheidiol i gwblhau'r rhaglen astudio arfaethedig drwy gwrs ac ymchwil.

4. Rhaid i bob ymgeisydd gofrestru yn y Brifysgol, talu'r ffioedd priodol a bennwyd a dilyn y cynllun dysgu ac ymchwil am o leiaf y cyfnod a bennir isod:

- Ymgeiswyr llawn amser: o leiaf dair blynedd;
- Ymgeiswyr rhan amser: o leiaf bum mlynedd.

Pan fydd ymgeiswyr yn ymuno â chynllun a hwythau eisoes yn bodloni gofynion Rhan Un, yn gyfan gwbl neu'n rhannol, drwy fod wedi cwblhau gradd Meistr, cwtogir y terfynau amser yn unol â'r credydau a gwblhawyd a'r cyfnod cofrestru blaenorol fel bod yr ymgeisydd, yn gyfan gwbl, yn cofrestru ac yn talu ffioedd am y cyfnodau lleiaf a nodir isod.

5. Bydd gofyn i ymgeiswyr eu cyflwyno'u hunain i'w harholi mewn dwy ran.

6. Yn Rhan Un bydd ymgeiswyr yn dilyn rhaglen astudio drwy gwrs (a all gynnwys cyfnodau o ymarfer a hyfforddiant proffesiynol/diwydiannol cymeradwy), ynghyd â rhaglen ymchwil am y cyfnod penodedig. Gan amlaf bydd hyn yn cynnwys 60 o gredydau drwy gwrs a phortffolio o waith neu draethawd ymchwil (tua 20,000 o eiriau) sy'n gyfwerth â 120 o gredydau. Mae'n rhaid i gredydau drwy gwrs gynnwys elfen o hyfforddiant ymchwil. Gall y Brifysgol ganiatáu eithriadau (ar sail cymwysterau uwchraddedig neu broffesiynol achrededig blaenorol) o elfennau penodedig o Ran Un y cynllun.

7. Bydd arholiadau Rhan Un yn cynnwys asesiadau ar lefel uwch mewn meysydd astudio a bennir yn Rheoliadau'r Rhaglen. Bydd yr arholiadau hyn yn cynnwys cloriannu'r ymarfer a'r hyfforddiant proffesiynol a gall fod ar ffurf papurau arholiad ysgrifenedig heb eu gweld ymlaen llaw neu brosiectau a osodir neu fathau eraill o asesiadau cwrs. Er mwyn symud ymlaen i Ran Dau mae'n rhaid i fyfyrwyr ennill o leiaf 160 o gredydau a chael cyfanswm marc cyfartalog wedi'i bwysoli o 50%

8. Bydd ymgeisydd sydd wedi cwblhau Rhan Un yn llwyddiannus ond nad yw'n dymuno parhau neu sy'n aflwyddiannus yn ei ymgeisyddiaeth ar gyfer y DProf yn gymwys am ddyfarniad MProf. Bydd ymgeisydd sydd wedi cwblhau Rhan Un yn llwyddiannus ond nad ydynt yn dymuno parhau neu sy'n aflwyddiannus yn eu hymgeisyddiaeth ar gyfer y

DProf, yn gymwys ar gyfer dyfarniad MProf, MRes neu ddyfarniad Meistr arall sy'n ffurfio Rhan Un o'u rhaglen astudio.

9. Caiff ymgeiswyr sy'n methu Rhan Un, yn ôl disgrisiwn y Bwrdd Arholi ar gyfer yr elfennau drwy gwrs, eu hailgyflwyno nhw eu hunain i ailsefyll yr arholiad unwaith yn unig, heb fod yn fwy na phymtheg mis ar ôl yr arholiad gwreiddiol. Codir tâl am ailsefyll yr arholiad.

10. Bydd Rhan Dau'r arholiad ar ffurf traethawd ymchwil neu bortffolio o waith, yn cynnwys dulliau a chanlyniadau prosiect neu brosiectau ymchwil, y ceir enghreifftiau ohonynt yn Atodiad Un isod.

11. Yn Rhan Dau arholir y traethawd ymchwil drwy arholiad llafar. Archwilir portffolio o waith yn y modd a bennir yn Rheoliadau'r Rhaglen.

12. Rhaid llwyddo yn elfen drwy gwrs ac elfen ymchwil yr arholiad er mwyn bod yn gymwys i ennill y radd.

13. Bydd yr ymgeisyddiaeth yn dod i ben os na chyflwynir traethawd hir, ar y ffurf ac yn y modd a bennwyd, yn unol â'r terfynau amser a restrir isod:

Llawn amser

Ar gyfer ymgeisyddiaeth dair blynedd, pedair blynedd o ddyddiad cychwyn swyddogol cyfnod astudio'r ymgeisydd.

Rhan amser

Ar gyfer ymgeisyddiaeth bum mlynedd, saith mlynedd o ddyddiad cychwyn swyddogol cyfnod astudio'r ymgeisydd.

DS Ar gyfer myfyrwyr a dderbyniwyd o fis Medi 2018, mae'r uchafswm Terfynau Amser canlynol ar gyfer Cwblhau, gan gynnwys unrhyw gyfnodau o dynnu'n ôl dros dro ac estyniadau a gymeradwywyd gan Bennaeth yr Academi Ddoethurol, yn berthnasol:

O'r dyddiad cofrestru cychwynnol i gyflwyno'r traethawd ymchwil i'w arholi am y tro cyntaf:

DProf amser-llawn: chwe blynedd

DProf rhan-amser: naw mlynedd

Gall y Dirprwy Is-Ganghellor (Ymchwil) ganiatáu estyniadau i'r terfynau hyn ar yr amod:

1. Cyflwynwyd tystiolaeth o amgylchiadau arbennig
2. Mae adran y Myfyriwr yn cadarnhau bod y prosiect ymchwil yn parhau i fod yn gyfredol ac yn hyfyw a bod y myfyriwr yn gallu cwblhau'r prosiect o fewn yr estyniad y gofynnwyd amdano
14. Bydd y Brifysgol yn sicrhau bod ymgeiswyr yn cael goruchwyliaeth reolaidd a pharhaus, yn unol â'i gweithdrefnau cyffredinol ar gyfer goruchwyllo uwchraddedigion.
15. Ar gyfer pob ymgeisyddiaeth, bydd y Brifysgol yn cymeradwyo tîm goruchwyllo a fydd yn cynnwys un prif oruchwyliwr ac ail oruchwyliwr a enwebir gan Adran yr ymgeisydd.
16. Bydd y prif oruchwyliwr fel rheol yn aelod llawn amser o staff academaidd y Brifysgol. Bydd yr ail oruchwyliwr fel rheol yn aelod llawn amser o staff academaidd y Brifysgol neu sefydliad sy'n cydweithio â hi.
17. Cwblheir ymchwil pob ymgeisydd drwy gyflwyno traethawd ymchwil (fel arfer heb fod yn hwy na 60,000 o eiriau, heb gynnwys Atodiadau a throednodiadau dilys) sy'n cynnwys dulliau a chanlyniadau'r ymchwil neu bortffolio o waith. Mae'n rhaid i Fwrdd Arholi ac iddo gyfansoddiad priodol gynnal arholiad llafar ar gyfer ymgeisydd sy'n cyflwyno naill ai draethawd ymchwil neu bortffolio o waith i'w arholi. Mae'n bosib, er hynny, hepgor y gofyniad hwn yn ôl disgrisiwn y Bwrdd Arholi, pan fydd gwaith sydd wedi'i ailgyflwyno'n cael ei arholi, a phan fydd yr arholwyr o'r farn fod y gwaith yn llwyddo'n glir.
18. Bydd ymgeiswyr yn llofnodi datganiad i dystio nad yw'r gwaith a gyflwynir wedi'i dderbyn yn ei sylwedd ar gyfer unrhyw radd na dyfarniad, ac nad yw'n cael ei gyflwyno ar yr un pryd yn rhan o ymgeisyddiaeth am unrhyw radd na dyfarniad arall. Cynhwysir y datganiad wedi'i lofnodi gyda phob copi o'r gwaith a gyflwynir i'w arholi.
19. Bydd y Brifysgol yn sicrhau bod ffurf cyflwyno ac arholi'r traethawd ymchwil neu'r portffolio yn cydymffurfio â Rheoliadau'r Brifysgol ar gyfer Cyflwyno ac Arholi Traethodau Ymchwil.

Rheoliadau Ychwanegol sy'n berthnasol i raglenni a enwir

DAG (Doethur mewn Amaethyddiaeth)

Cyfanswm gwerth credydau Rhan Un fydd 180 credyd. Bydd yr Arholiad ymchwil yn cynnwys traethawd ymchwil o hyd at 60,000 o eiriau (heb gynnwys Atodiadau a throednodiadau dilys).

Reoliadau ar gyfer Doethur Addysg Cenedlaethol (EdD) Cymru

[https://www.aber.ac.uk/en/media/departmental/academicregistry/admissions/academicqualityhandbook/partb-rulesregs/rulesandregs/Reoliadau-ar-gyfer-Doethur-Addysg-Cenedlaethol-\(EdD\)-Cymru.pdf](https://www.aber.ac.uk/en/media/departmental/academicregistry/admissions/academicqualityhandbook/partb-rulesregs/rulesandregs/Reoliadau-ar-gyfer-Doethur-Addysg-Cenedlaethol-(EdD)-Cymru.pdf)

Rheoliadau ar gyfer Cyflwyno Traethodau Ymchwil a'u Harholi

- [Terfynau Amser ac Estyniadau](#)

1. Y disgwyl yw y bydd ymgeiswyr yn cyflwyno eu traethodau ymchwil o fewn y terfyn amser a osodir gan y rheoliadau. Gall y Brifysgol atal ymgeisyddiaeth neu estyn terfyn amser, ond dim ond mewn achosion eithriadol.

2. Fel arfer caiff ataliadau/estyniadau eu caniatáu ar sail dosturiol yn unig, neu mewn achosion o salwch, anawsterau domestig difrifol, ymrwymïadau proffesiynol gormodol neu anawsterau ymchwil na chawsant eu rhag-weld pan fo modd dangos eu bod wedi cael effaith niweidiol ar yr ymgeisydd. Rhaid cyflwyno achos llawn a rhesymegol, wedi ei gefnogi gan dystiolaeth feddygol addas neu dystiolaeth annibynnol arall, i'w ystyried gan y Brifysgol. Yn achos ymgeiswyr sy'n cyfeirio at ymrwymïadau proffesiynol eithriadol, rhaid cyflwyno gyda'r cais gadarnhad a disgrifiad ysgrifenedig gan y cyflogwr o'r pwysau gwaith eithriadol sydd ar yr ymgeisydd.

3. Rhaid cyflwyno datganiad clir, yn dangos bod yr adran berthnasol wedi asesu'r sefyllfa y mae'r ymgeisydd ynddi a'i bod yn ystyried bod y cais am estyniad yn briodol. Dylai hwn gynnwys amserlen waith yn arwain at gyflwyno o fewn y terfyn amser estynedig a gynigir. Dylai'r ymgeisydd hefyd ddarparu datganiad ysgrifenedig.

4. Rhaid cyfeirio ceisiadau am ataliadau/estyniadau drwy oruchwylydd a Chyfadrann ymgeisydd i'r Academi Ddoethurol.

- [Cyflwyno ac Iaith y Traethawd Ymchwil](#)

5. Heb fod yn hwy na thri mis cyn y disgwylir cyflwyno, bydd yr ymgeisydd yn llenwi ffurflen Bwriad i Gyflwyno, a bydd hynny'n cychwyn y gweithdrefnau ar gyfer arholi, gan gynnwys yr Adran/Cyfadrann yn enwebu arholwr/arholwyr allanol. Disgwylir i arholwyr allanol gael eu penodi cyn cyflwyno. Bydd hyn yn sicrhau y gall y broses arholi ddechrau'n brydlon wedi cyflwyno.

6. At ddibenion yr arholiad, bydd ymgeiswyr yn cyflwyno copi electronig o'r traethawd ymchwil a fydd yn cynnwys:

i. crynodeb heb fod yn hwy na thri chant o eiriau;

ii. datganiad, wedi ei lofnodi gan yr ymgeisydd, yn dangos i ba raddau y mae'r gwaith a

gyflwynir yn ganlyniad ymchwil yr ymgeisydd ei hun; cydnabyddir ffynonellau eraill gan droednodiadau sy'n rhoi cyfeiriadau penodol. Rhaid cynnwys llyfryddiaeth lawn yn atodiad i'r gwaith;

iii. datganiad, wedi ei lofnodi gan yr ymgeisydd, i dystio nad yw'r gwaith eisoes wedi ei dderbyn yn ei hanfod am unrhyw radd, ac nad yw'n cael ei gyflwyno yr un pryd mewn ymgeisyddiaeth am unrhyw radd;

iv. datganiad wedi ei lofnodi ynghylch argaeledd y traethawd, yn nodi bod y traethawd ymchwil, os bydd yn llwyddiannus, ar gael i'w adneuo yng nghadwrfa ymchwil electronig y brifysgol ac ar gyfer ei fenthyg yn rhyng-lyfrgellol neu i'w lun-gopiö (yn ddarostyngedig i gyfraith hawlfraint), naill ai ar unwaith neu ar ôl diwedd unrhyw waharddiad neu embargo; ac y gellir trefnu bod y teitl a'r crynodeb ar gael i gyrrff allanol. Os oes gweithiau creadigol yn rhan o'r cyflwyniad, dim ond y sylwebaeth feirniadol fydd yn cael ei chyhoeddi fel arfer. Bydd teitl a chrynodeb o'r traethawd ymchwil ar gael am ddim.

7. Mae ymgeisydd yn rhydd i gyhoeddi'r cyfan neu ran o'r gwaith a gynhyrchir yn ystod cyfnod cofrestru'r ymgeisydd yn y Brifysgol cyn ei gyflwyno fel traethawd ymchwil cyfan, neu ran o draethawd ymchwil. Gellir ymgorffori'r cyfryw waith cyhoeddedig yn y traethawd ymchwil a gyflwynir i'r Brifysgol yn nes ymlaen.

8. Caiff unrhyw ymgeisydd sy'n dilyn cynllun astudio neu ymchwil yn y Brifysgol ddewis cyflwyno traethawd ymchwil neu waith arall yn y Gymraeg neu'r Saesneg. Mae'n ofynnol i ymgeisydd sy'n dymuno cael ei asesu neu ei hasesu mewn iaith (h.y. y Gymraeg neu'r Saesneg) heblaw prif iaith yr hyfforddi/asesu ar gyfer y cynllun o dan sylw hysbysu Canolfan Gwasanaethau'r Gymraeg erbyn y dyddiad cau a bennir gan y Brifysgol. Yna dylai'r swyddog enwebedig gysylltu â Chadeirydd y Bwrdd Arholi ynghylch y canlynol:

i. y cyfryw drefniadau y bydd eu hangen o bosibl (e.e. darparu cyfleusterau cyfieithu ar y pryd) ar gyfer yr arholiad llafar;

ii. y trefniadau angenrheidiol, y mae'n rhaid iddynt gael eu cymeradwyo – ar gais Cadeirydd y Bwrdd Arholi – gan yr arholwr neu'r arholwyr, ar gyfer cyfieithu a/neu farcio'r gwaith;

iii. cyflogi person neu bersonau addas i weithredu fel arholwr neu arholwyr ymgynghorol neu – am ffi gymeradwyedig – fel cyfieithydd neu gyfieithwyr.

9. Ar adegau, gellir barnu ei bod yn briodol cyflwyno traethawd ymchwil mewn iaith heblaw'r Gymraeg / Saesneg am resymau ysgolheigaidd. Yn y cyfryw achosion, gall Pennaeth yr Academi Ddoethurol ganiatáu cyflwyniad o'r fath, lle bydd achos rhesymedig wedi ei wneud i'w gymeradwyo, fel rheol cyn i'r ymgeisydd gofrestru ar gyfer astudio. Rhaid i'r adran amlinellu trefniadau addas ar gyfer goruchwyllo ac arholi'r traethawd ymchwil er mwyn cadarnhau na fydd cyfaddawdu ar ansawdd profiad dysgu'r myfyriwr na safonau'r dyfarniad. Ni chymeradwyir ceisiadau sy'n seiliedig ar ddiffyg gallu'r ymgeisydd i gynhyrchu gwaith i'w gyflwyno yn naill ai'r Gymraeg neu'r Saesneg.

10. Disgwylir i ymgeiswyr sy'n ailgyflwyno traethawd ymchwil sydd wedi methu â bodloni'r arholwyr o'r blaen ailgyflwyno dau eu traethawd ymchwil diwygiedig ynghyd â'r dogfennau hynny a nodir ym mharagraff 6 uchod.

11. Ceir cyfarwyddiadau manwl ar gyflwyno'r traethodau ymchwil yn y Canllawiau a roddir i ymgeiswyr sydd ar fin cyflwyno eu traethawd ymchwil.

12. Os yw'n fodlon bod achos prima facie dros gyfeirio'r traethawd ymchwil i'w arholi'n fanwl, bydd yr Academi Ddoethurol yn sicrhau bod y traethawd ymchwil ar gael i'r ddau arholwr. Ni ddylai'r adran na'r ymgeisydd anfon y traethawd ymchwil yn syth at yr arholwr. Mae hyn yn wir hefyd yn achos ailgyflwyno.

13. Ni chaiff ymgeisydd ddiwygio'r traethawd ymchwil, ychwanegu ato na dileu ohono ar ôl ei gyflwyno.

- [Cyfansoddiad y Bwrdd Arholi](#)

14. Bydd pob Bwrdd Arholi yn cynnwys:

- Cadeirydd;
- Arholwr allanol;
- Naill ai arholwr mewnol neu ail arholwr allanol.

15. Yn achos arholi ymgeisydd sy'n aelod o'r staff, bydd dau arholwr allanol ac ni fydd arholwr mewnol. Bydd y rheoliad hwn yn gymwys i ymgeiswyr a oedd yn aelodau o staff yn ystod eu cyfnod cofrestru, a hefyd i'r rheini sy'n dod yn aelodau o staff ar ôl cwblhau cofrestriad myfyriwr ond cyn cyflwyno. Diben hyn yw sicrhau bod yr arholwyr yn

wrthrychol, ac yn cael eu gweld felly, ac er mwyn osgoi unrhyw anawsterau y gallai'r ymgeisydd neu'r arholwr eu hwynebu os ydynt yn gyd-weithwyr. Pan mae ymgeiswyr wedi dod yn aelodau o'r staff ar ôl cofrestriad fel myfyriwr, a phan mae natur neu leoliad eu cyflogaeth yn golygu y byddai arholwr mewnol a gynigir yn amlwg yn wrthrychol, gellir cyflwyno'r achos i Bennaeth yr Academi Ddoethurol y dylid cynnal yr arholiad gydag un arholwr mewnol ac un arholwr allanol.

16. Bydd ymgeiswyr sydd, neu sydd yn dyfod ar adeg cyflwyno, yn aelodau o staff mewn sefydliad neu Brifysgol arall yn cael eu harholi fel yn achos ymgeisyddiaethau myfyriwr (h.y. fel arfer gydag un arholwr allanol ac un arholwr mewnol).

17. Gall Penaethiaid Adrannau enwebu aelod uwch o'u staff academaidd i weithredu fel Cadeirydd Bwrdd Arholi. Pan fo Pennaeth Adran/Cyfadrn hefyd yn oruchwylydd i'r ymgeisydd o dan sylw, rhaid iddynt ddirprwyo'r dasg hon. Bydd Cadeirydd y Bwrdd yn annibynnol yn y broses arholi, a bydd yn gyfrifol am y modd y cynhelir yr arholiad. Bydd y Cadeirydd:

- fel arfer yn Uwch-ddarlithydd neu'n uwch neu â phrofiad addas ar gyfer y rôl;
- fel arfer yn dod o adran(nau) y myfyriwr, ond gellir ei ddewis o adran arall os na ellir canfod unrhyw un addas, er enghraifft, oherwydd gwrthdaro buddiannau neu'r angen am siaradwr Cymraeg;
- yn brofiadol yn goruchwyllo ac arholi ymgeiswyr PhD;
- yn gyfarwydd â'r rheoliadau ar gyfer arholiadau llafar ar draethodau ymchwil.

Rhaid i bob cadeirydd fod wedi mynychu gweithdy'r Academi Ddoethurol ar gadeirio arholiadau llafar.

18. Bydd yr arholwr/arholwyr allanol yn cael ei benodi/eu penodi yn unol â darpariaethau Llawlyfr Ansawdd Academaidd y Brifysgol. Rhaid iddynt fod yn ymwybodol o natur a phwrpas y radd yr arholir yr ymgeisydd ar ei chyfer a meddu ar wybodaeth arbenigol ac arbenigedd yn nhestun yr ymchwil. Amlinellir meini prawf eraill ar gyfer eu penodi yn y Llawlyfr.

19. Ni ddylid penodi arholwyr allanol y bu ganddynt gysylltiad helaeth â'r ymgeisydd. Mewn achosion lle bu cysylltiad helaeth, dylid rhoi gwybod am fanylion natur y

cysylltiad i'r Academi Ddoethurol ei ystyried yn ystod y broses benodi. Ceir rhagor o wybodaeth yn y canllawiau ar gyfer byrddau arholi a'r ffurflen Bwriad i Gyflwyno.

20. Dylai'r arholwr mewnol fel arfer:

- fod yn aelod o staff o adran(nau) y myfyriwr, ond gellir ei ddewis o adran gytras lle bo hynny'n addas neu'n ofynnol.
- fod â PhD;
- fod â phrofiad o oruchwylio o leiaf un myfyriwr ymchwil.

Bydd aelod o staff sydd wedi gweithio fel arholwr allanol ar gyfer gradd ymchwil mewn prifysgol arall yn gymwys ar gyfer rôl arholwr mewnol.

21. Os, o dan amgylchiadau eithriadol, y bydd yn amhosibl penodi arholwr mewnol addas o'r Brifysgol, gall yr Academi Ddoethurol gymeradwyo penodi ail arholwr allanol yn lle arholwr mewnol, wedi'i enwebu gan yr Adran. Dylid bod wedi cymryd pob cam i benodi arholwr mewnol cyn i ail arholwr allanol gael ei ystyried.

22. Ni cheir penodi goruchwylydd yr ymgeisydd yn arholwr mewnol, er y caiff, gyda chaniatâd yr ymgeisydd ymlaen llaw, gael ei wahodd gan Gadeirydd y Bwrdd Arholi i fod yn bresennol yn yr arholiad llafar mewn capasiti ymgynghorol.

23. Gall Cadeirydd y Bwrdd Arholi wahodd unigolion addas eraill i fynychu'r arholiad llafar mewn capasiti ymgynghorol.

24. Dylai'r arholwyr gael traethawd ymchwil yr ymgeisydd ac unrhyw ddeunyddiau cysylltiedig a'r canllawiau sy'n angenrheidiol ar gyfer cynnal yr arholiad. Gofynnir i'r Cadeirydd, a'r arholwyr, nodi bod y Brifysgol yn disgwyl, fel arfer, y dylid cwblhau arholi'r ymgeisydd o fewn cyfnod o ddeuddeg wythnos waith o ddyddiad anfon y traethawd ymchwil i'r arholwyr.

- [Ymddygiad Academaidd Annerbyniol](#)

25. Un o ddibenion yr arholiad llafar yw pennu mai gwaith yr ymgeisydd ei hun yw'r traethawd ymchwil. Os amheuir ei bod yn bosibl bod ymddygiad academaidd annerbyniol wedi digwydd mewn traethawd ymchwil a gyflwynwyd, dylid ei gyfeirio at y Gofrestrfa Academaidd. Os bydd hyn yn digwydd cyn yr arholiad llafar, gellir gohirio'r

arholiad hwnnw nes bod yr honiad o ymddygiad academiaidd annerbyniol wedi'i ddatrys. Os bydd y Bwrdd Arholi, yn ystod yr arholiad llafar, yn amau ymddygiad academiaidd annerbyniol, gellir oedi'r canlyniad tra cynhelir ymchwiliad. Dylai unrhyw ymddygiad academiaidd annerbyniol a amheuir wedi i ganlyniad gael ei gyhoeddi neu wedi i'r radd gael ei dyfarnu gael ei gyfeirio i'r Gofrestrfa Academiaidd hefyd. Gall canlyniadau a dyfarniadau gael eu diddymu os canfyddir bod ymddygiad academiaidd annerbyniol wedi digwydd.

- [Cynnal yr Arholiad](#)

26. Mae'n ofynnol i'r Bwrdd Arholi gynnal arholiad llafar ar gyfer ymgeiswyr ym mhob achos ac eithrio pan fydd traethawd ymchwil sydd wedi'i ailgyflwyno yn cael ei arholi. Dan yr amgylchiad hwn, gellir hepgor y gofyniad hwn ar ddisgresiwn y Bwrdd Arholi os yw wedi dod i'r farn fod y traethawd ymchwil yn amlwg yn cyrraedd y safon i basio heb newidiadau, neu â chywiriadau neu newidiadau mân iawn yn unig. Mewn amgylchiadau eraill eithriadol, gellir hepgor arholiad llafar ar gyfer ailgyflwyniad gyda chymeradwyaeth y Bwrdd Arholi a Phennaeth yr Academi Ddoethurol. Bydd y Cadeirydd yn cynghori'r ymgeisydd ynghylch y trefniadau a wnaed ar gyfer yr arholiad llafar.

27. Rhaid i'r unigolion canlynol fod yn bresennol yn yr arholiad llafar:

- i. Y Cadeirydd;
- ii. Yr Arholwr/Arholwyr Allanol;
- iii. Yr Arholwr/Arholwyr Mewnol os oes angen un.

28. Rhaid i'r arholiad llafar gael ei gynnal fel arfer yn y Brifysgol. Fodd bynnag, gall Pennaeth yr Academi Ddoethurol, dan amgylchiadau eithriadol, ganiatáu i arholiad llafar gael ei gynnal yn rhywle arall. Ni ddylai arfer o'r fath, fodd bynnag, fod yn fwy costus na chynnal arholiad llafar yn y Brifysgol ei hun.

29. Gyda chymeradwyaeth Pennaeth yr Academi Ddoethurol, gellir cynnal arholiad llafar trwy ddulliau electronig. Bydd canllawiau manwl ar y broses gymeradwyo a'r protocolau ar gyfer cynnal yr arholiad ar gael o'r Gofrestrfa Academiaidd.

30. Gall myfyrwyr hefyd dynnu sylw'r Bwrdd Arholi at unrhyw amgylchiadau arbennig a allai effeithio ar eu perfformiad yn ystod yr arholiad llafar neu sydd wedi effeithio ar y

traethawd ymchwil. Dylid nodi'r rhain ar y ffurflen Bwriad i Gyflwyno lle bo hynny'n bosibl. Yna bydd yr Academi Ddoethurol yn ymgynghori â Cymorth i Fyfywrwr a Chadeirydd y Bwrdd fel y bo'n briodol i roi addasiadau ar waith a briffio'r arholwyr.

31. Dim ond pan wahoddir ef/hi i wneud hynny gan y Cadeirydd y caniateir i oruchwylydd sy'n bresennol mewn arholiad llafar siarad.

32. Bydd gan oruchwylydd neu oruchwylwyr yr ymgeisydd yr hawl i fynegi wrth Gadeirydd y Bwrdd Arholi unrhyw bryderon sy'n berthnasol i brosiect ymchwil yr ymgeisydd, i'r traethawd ymchwil sy'n deillio o'r prosiect hwnnw neu i'r arholiad ar y traethawd ymchwil, y mae'r goruchwylydd neu'r goruchwylwyr yn credu y dylai'r Bwrdd eu cymryd i ystyriaeth cyn dod i'w benderfyniad. Bydd y goruchwylydd neu'r goruchwylwyr yn mynegi'r pryderon hyn, yn ysgrifenedig, i'r Cadeirydd a'r ymgeisydd cyn gynted ag y bo'n ymarferol ar ôl i'r traethawd ymchwil gael ei gyflwyno a, sut bynnag, yn ddigon cynnar i ganiatáu digon o amser i'r ymgeisydd ystyried y pwyntiau a wnaed a pharatoi ymateb cyn i'r traethawd ymchwil gael ei arholi (gan gynnwys unrhyw arholiad llafar).

33. Cyfrifoldeb Cadeirydd y Bwrdd Arholi fydd sicrhau bod yr ymgeisydd yn fodlon â'r amser a ganiateir i ystyried y pwyntiau a wnaed gan y goruchwylydd neu'r goruchwylwyr, ac i ymateb iddynt, a sicrhau datganiad ysgrifenedig swyddogol gan yr ymgeisydd yn cadarnhau hyn.

34. Bydd y Bwrdd Arholi yn ystyried unrhyw gyflwyniad ysgrifenedig i'r Cadeirydd gan oruchwylydd neu oruchwylwyr yr ymgeisydd ac unrhyw ymateb gan yr ymgeisydd yn unol â'r darpariaethau yn union uchod.

35. Ni fydd yr arholiad llafar yn cael ei recordio.

36. Ar ôl cwblhau'r arholi, bydd y Cadeirydd yn sicrhau bod y ffurflen adroddiad dros dro a'r canlyniad yn cael eu cwblhau ac y rhoddir copi ohoni i'r myfyriwr. Rhaid i'r Cadeirydd sicrhau bod y ffurflen Adroddiad a Chanlyniad a'r adroddiad dros dro yn cael eu cwblhau a bod yr Academi Ddoethurol yn cael gwybod y canlyniad. Bydd y ffurflen Adroddiad a Chanlyniad yn cynnwys adroddiad yr arholwr allanol (gan gynnwys adroddiad ar yr arholiad llafar), adroddiad yr arholwr mewnol, adroddiad arholwyr ar y

cyd (os mynnir) ac argymhelliad ffurfiol y Bwrdd Arholi o'r canlyniad. Rhaid i daflen yr argymhelliad ffurfiol o'r canlyniad gofnodi union benderfyniad y Bwrdd Arholi a rhaid iddi gael ei llofnodi gan y Cadeirydd, yr arholwr/arholwyr allanol a'r arholwr/arholwyr mewnol, ond nid gan unrhyw berson sy'n bresennol mewn capasiti ymgynghorol.

37. Os oes angen ailarholi'r traethawd ymchwil neu wneud cywiriadau, y Cadeirydd sy'n gyfrifol am drefnu casglu a darparu adborth i'r ymgeisydd a'r goruchwylydd adeg yr arholiad llafar, neu yn fuan wedyn.

38. Wedi iddi dderbyn y ffurflen Adroddiad a Chanlyniad wedi'i chwblhau, a, lle bo'n addas, cadarnhad bod yr holl gywiriadau sy'n ofynnol wedi'u gwneud, bydd y Gofrestrfa Academaidd yn rhoi gwybod i'r ymgeisydd beth yw'r canlyniad terfynol.

39. Rhaid dychwelyd pob copi o draethawd ymchwil sydd wedi methu i'r ymgeisydd unwaith y bo'r broses arholi (a gwrandawriad unrhyw achos apêl yn sgil hynny) wedi ei chwblhau.

- [Argymell am ddyfarniad](#)

42. Gall Byrddau Arholi argymell un o'r opsiynau canlynol:

- [Yn achos ymgeiswyr ar gyfer Gradd PhD](#)

a. bod yr ymgeisydd yn cael ei gymeradwyo ar gyfer gradd PhD ar yr amod ei fod yn cwblhau unrhyw fân gywiriadau sy'n ofynnol gan y Bwrdd Arholi. Dylai cywiriadau gael eu cwblhau o fewn cyfnod o bedair wythnos waith o ddyddiad hysbysu'r ymgeisydd yn swyddogol o ganlyniad yr arholiad. Gall y Bwrdd fynnu bod y cywiriadau'n cael eu harchwilio gan y naill arholwr neu'r llall, neu'r ddau, cyn i'r broses ddyfarnu gael ei chychwyn.

b. bod yr ymgeisydd yn cael ei gymeradwyo ar gyfer gradd PhD ar yr amod ei fod yn cwblhau unrhyw gywiriadau a newidiadau sy'n ofynnol gan y Bwrdd Arholi. Rhaid i gywiriadau a newidiadau gael eu cwblhau o fewn cyfnod o hyd at chwe mis o ddyddiad hysbysu'r ymgeisydd yn swyddogol o ganlyniad yr arholiad. Gall y Bwrdd fynnu bod y cywiriadau'n cael eu harchwilio gan y naill arholwr neu'r llall, neu'r ddau, cyn i'r broses ddyfarnu gael ei chychwyn.

c. * na chymeradwyir bod yr ymgeisydd yn cael gradd PhD ond y caniateir iddo addasu'r traethawd ymchwil a'i ailgyflwyno am radd PhD ar un achlysur arall, gan dalu ffi ailgyflwyno. Gellir caniatáu un cyfle i ymgeisydd ailgyflwyno'r gwaith. Dylai'r ailgyflwyno ddigwydd o fewn cyfnod heb fod yn hwy na deuddeg mis. Bydd y broses gyflwyno ac arholi yr un fath ag yr oedd ar gyfer y cyflwyno cyntaf.

d. na chymeradwyir bod yr ymgeisydd yn cael gradd PhD, ond yn hytrach ei fod yn cael ei gymeradwyo am radd MPhil ar yr amod ei fod yn cwblhau unrhyw fân gywiriadau sy'n ofynnol gan y Bwrdd Arholi. Dylai cywiriadau gael eu cwblhau o fewn cyfnod o bedair wythnos waith o ddyddiad hysbysu'r ymgeisydd yn swyddogol o ganlyniad yr arholiad. Gall y Bwrdd fynnu bod y cywiriadau'n cael eu harchwilio gan y naill arholwr neu'r llall, neu'r ddau, cyn i'r broses ddyfarnu gael ei chychwyn.

e. * na chymeradwyir bod yr ymgeisydd yn cael gradd PhD ond y caniateir iddo addasu'r traethawd ymchwil a'i ailgyflwyno am radd MPhil, gan dalu ffi ailgyflwyno. Gellir caniatáu un cyfle i ymgeisydd ailgyflwyno'r gwaith. Dylai'r ailgyflwyno ddigwydd o fewn cyfnod heb fod yn hwy na blwyddyn o ddyddiad hysbysu'r ymgeisydd yn swyddogol o ganlyniad yr arholiad.

f. na chymeradwyir bod gradd yn cael ei dyfarnu i'r ymgeisydd.

* Nid yw'r opsiynau hyn ar gael yn achos ymgeiswyr sydd wedi ailgyflwyno traethawd ymchwil i'w arholi.

- [Yn achos ymgeiswyr ar gyfer gradd MPhil](#)

a. bod yr ymgeisydd yn cael ei gymeradwyo ar gyfer y radd yr oedd yn ei cheisio ar yr amod ei fod yn cwblhau unrhyw fân gywiriadau sy'n ofynnol gan y Bwrdd Arholi. Dylai cywiriadau gael eu cwblhau o fewn cyfnod o bedair wythnos waith o ddyddiad hysbysu'r ymgeisydd yn swyddogol o ganlyniad yr arholiad. Gall y Bwrdd fynnu bod y cywiriadau'n cael eu harchwilio gan y naill arholwr neu'r llall, neu'r ddau, cyn i'r broses ddyfarnu gael ei chychwyn.

b. bod yr ymgeisydd yn cael ei gymeradwyo ar gyfer y radd yr oedd yn ei cheisio ar yr amod ei fod yn cwblhau unrhyw gywiriadau a newidiadau sy'n ofynnol gan y Bwrdd

Arholi. Rhaid i gywiriadau/newidiadau gael eu cwblhau o fewn cyfnod o ddeuddeg wythnos waith o ddyddiad hysbysu'r ymgeisydd yn swyddogol o ganlyniad yr arholiad.

c. * na chymeradwyir bod yr ymgeisydd yn cael y radd yr oedd yn ei cheisio ond y caniateir iddo addasu'r traethawd ymchwil a'i ailgyflwyno, gan dalu ffi ailgyflwyno. Gellir caniatáu un cyfle i ymgeisydd ailgyflwyno'r gwaith. Dylai'r ailgyflwyno ddigwydd o fewn cyfnod heb fod yn hwy na blwyddyn o ddyddiad hysbysu'r ymgeisydd yn swyddogol o ganlyniad yr arholiad.

d. na chymeradwyir dyfarnu gradd MPhil i'r ymgeisydd.

* Nid yw'r opsiynau hyn ar gael yn achos ymgeiswyr sydd wedi ailgyflwyno traethawd ymchwil ar gyfer ei arholi.

- [Arholwr Cymrodeddol](#)

43. Pan fydd anghydfod yn codi rhwng yr arholwr allanol a'r arholwr/arholwyr mewnol neu'r ddau arholwr allanol, dylai'r Arholwyr a'r Cadeirydd farcio'r ffurflen Adroddiad a Chanlyniad arferol er mwyn dangos nad yw'r Bwrdd wedi gallu cytuno ar argymhelliad. Mewn achos o'r fath bydd Pennaeth yr Academi Ddoethurol yn troi at arholwr allanol arall, a gofynnir iddo/iddi gymrodeddu. Wrth ddewis Arholwr Allanol Cymrodeddol, bydd yn rhaid i Bennaeth yr Academi Ddoethurol ystyried unrhyw adroddiadau ysgrifenedig a gyflwynwyd gan aelodau'r Bwrdd Arholi a gallant ystyried hefyd unrhyw enwebiad a wnaed gan y Bwrdd gwreiddiol, er na fydd yn rhaid iddynt fod yn rhwym wrth yr enwebiad hwnnw.

44. Wrth gael ei benodi/phenodi, rhoddir i Arholwr Allanol Cymrodeddol gopi o waith yr ymgeisydd ynghyd ag adroddiadau'r arholwyr gwreiddiol a'r 'Ffurflen Adroddiad a Chanlyniad' a 'Nodiadau ar gyfer Arholwyr Allanol Cymrodeddol'. Wrth ystyried gwaith yr ymgeisydd, gall Arholwr Allanol Cymrodeddol ddewis a yw'n cyfeirio at adroddiadau'r arholwyr gwreiddiol ai peidio (ac os ydyw, pryd y mae'n gwneud hynny). Gall hefyd ddewis cynnal arholiad llafar pellach ac, os yw'n gwneud hynny, a fydd yr arholwyr gwreiddiol yn cael eu gwahodd i fod yn bresennol ai peidio.

45. Pan fydd yr Arholwr Allanol Cymrodeddol wedi gorffen ystyried y gwaith, dylid rhoi gwybod am y canlyniad i Gadeirydd y Bwrdd Arholi, yn y lle cyntaf. Bydd y Cadeirydd yn

trefnu i'r 'Ffurflen Adroddiad a Chanlyniad' gael ei chwblhau, ei llofnodi a'i dychwelyd i'r Gofrestrfa Academaidd.

- [Gweithdrefn Apelio](#)

46. Gall ymgeiswyr nad yw'r Bwrdd Arholi yn argymhell dyfarnu iddynt y radd y bu iddynt gyflwyno eu traethawd ymchwil ar ei chyfer apelio yn erbyn y penderfyniad y daethpwyd iddo. Bydd y Gofrestrfa Academaidd yn rhoi gwybod iddynt beth yw'r weithdrefn apelio.

- [Mynediad i Draethodau Ymchwil](#)

47. Bydd dau gopi o bob gwaith a gymeradwyir gan yr arholwyr yn dod yn eiddo i'r Brifysgol. Rhaid i'r Cadeirydd drefnu i un copi caled o draethawd ymchwil llwyddiannus gael ei adneuo yn Llyfrgell Genedlaethol Cymru, Aberystwyth, ac i ail gopi gael ei adneuo yn Llyfrgell y Brifysgol. Yn ogystal â'r cyfrolau rhwymedig parhaol sy'n cael eu hadneuo yn y llyfrgelloedd, rhaid i ymgeiswyr ddarparu copi electronig o'r fersiwn derfynol o'r traethawd ymchwil i'w adneuo yng Nghadwrfa Ymchwil y Brifysgol. Bydd traethodau ymchwil a metadata traethodau ymchwil a adneuir yn y modd hwnnw yn cael eu darparu gan y Brifysgol i gadwrfeydd allanol gan gynnwys casgliad digidol Llyfrgell Genedlaethol Cymru a databas y Llyfrgell Brydeinig o draethodau ymchwil y DU.

48. Disgwylir i'r ymgeisydd lofnodi datganiad yn nodi bod y copi electronig a adneuwyd yn y gadwrfa electronig yn union yr un fath o ran ei gynnwys â'r un a adneuwyd yn y Llyfrgell, a bod yr ymgeisydd wedi cael y caniatâd hawlfraint addas i gynnwys unrhyw gynnwys gan drydydd parti yn y traethawd ymchwil fel y gellir darparu'r gwaith yn gyfreithlon mewn cadwrfa mynediad agored. Dylai deunydd a dderbynnir ar gyfer y gadwrfa gydymffurfio â chanllawiau a gyhoeddir o bryd i'w gilydd gan y Gwasanaethau Gwybodaeth.

49. Fel arfer bydd copi caled o draethawd ymchwil a gyflwynwyd am un o raddau uwch y Brifysgol ar gael yn agored ac ni fydd yn destun unrhyw ddiogelwch na chyfyngu ar fynediad iddo. Fodd bynnag, gall ymgeiswyr wneud cais am naill ai atal llungopiö a/neu fynediad i'r traethawd ymchwil am gyfnod penodedig o hyd at bum mlynedd, neu iddo beidio â bod ar gael yng Nghadwrfa Ymchwil y Brifysgol. Rhaid i unrhyw argymhelliad i

atal mynediad gael ei wneud i'r Brifysgol trwy gyfrwng y Pwyllgor Graddau Ymchwil neu ei Gadeirydd, gan y Gyfadran ar ôl ystyried cais gan oruchwylydd yr ymgeisydd, gyda chefnogaeth y Cyfarwyddwr Astudiaethau Uwchraddedig. Cyfrifoldeb y goruchwylydd fydd gwneud y cais cyn gynted ag y bo'n ymarferol bosibl. Yn ddelfrydol, dylai hyn fod adeg cofrestru cynllun ymchwil yr ymgeisydd. Rhaid i'r argymhelliad gynnwys datganiad o'r seiliau y gwneir y cais arnynt. Mae'r rhan fwyaf o geisiadau fel hyn yn cael eu gwneud ar sail sensitifrwydd masnachol yr ymchwil, sydd o bosibl wedi'i noddi'n rhannol gan gorff masnachol neu ddiwydiannol.

50. Yn dilyn arholiad llwyddiannus, rhaid i Gadeirydd y Bwrdd Arholi roi gwybod i Lyfrgellydd y Brifysgol, y Llyfrgell Genedlaethol a'r Gadwrfa Ymchwil na chaniateir mynediad i'r gwaith am gyfnod penodedig. Bydd y cyfnod a gymeradwyir yn cael ei gyfrifo o'r dyddiad pan fydd y Brifysgol yn rhoi gwybod yn swyddogol i'r ymgeisydd ei fod ef/hi wedi cymhwyso am radd. Pan fo mynediad i draethawd ymchwil wedi'i atal, ni fydd yn cael ei adneuo yng Nghadwrfa Ymchwil y Brifysgol nac yn unrhyw gadwrfa electronig mynediad agored arall hyd nes y daw'r cyfnod atal mynediad i ben.

51. Gall y Gyfadran gymeradwyo cais gan y myfyriwr na ddylai'r traethawd ymchwil fod ar gael yng Nghadwrfa Ymchwil y Brifysgol. Dylid datgan hyn yn glir yn y datganiadau sy'n cyd-fynd â'r traethawd ymchwil. Nid yw hyn gyfystyr ag atal mynediad i'r traethawd ymchwil.

- [Derbyn i Radd](#)

52. Gall ymgeiswyr sydd wedi cymhwyso ar gyfer graddau uwch gael eu derbyn i'w graddau unwaith y mae'r arholiad wedi'i gwblhau a bod y Gofrestrfa Academiaidd wedi derbyn argymhelliad y Bwrdd Arholi i ddyfarnu'r radd – ar y ffurflen Adroddiad a Chanlyniad – ynghyd â chadarnhad bod yr holl gywiriadau oedd yn ofynnol wedi'u cwblhau a bod yr arholwyr yn fodlon arnynt.

Diweddarwyd: Gorffennaf 2025

Canllawiau ar gyfer Cynnal Arholiadau Viva Voce trwy Ddull Electronig (Viva Voce Ar-lein)

(Drafft a Ddiwygiwyd ym mis Hydref 2021).

Egwyddorion Cyffredinol

1. Ar ôl trafod â staff a myfyrwyr, barn y Brifysgol yw mai'r ffordd orau i gynnal y viva voce, sef yr

arholiad llafar sy'n angenrheidiol ar gyfer pob gradd ymchwil, yw gwneud hynny wyneb yn wyneb, a

chael pawb yn bresennol gyda'i gilydd yn Aberystwyth. Mae hyn yn sicrhau uniondeb yr arholiad ac yn

creu'r amgylchiadau mwyaf ffafriol i fyfyrwyr gyfiawnhau eu gwaith. Mae'r arholiad llafar yn fwy na

mater o ffurf, a gall gael effaith sylweddol ar ganlyniad yr asesiad.

2. Cyn cyfnod Covid-19, dim ond mewn amgylchiadau eithriadol y caniateid defnyddio arholiadau llafar

electronig, yn ddibynnol ar rai amodau a chyda chymeradwyaeth Pennaeth Ysgol y Graddedigion a

chaniatâd ysgrifenedig pawb sy'n ymwneud â'r arholiad. Yn ystod cyfnod Covid-19, oherwydd

anhawster cynllunio a chynnal arholiadau llafar a olygai teithio i Aberystwyth, trefnu mesurau priodol

iechyd a diogelwch i weithgareddau wyneb yn wyneb, a phwysigrwydd arholi'n amserol, daeth cynnal

arholiadau llafar ar-lein yn ddewis diofyn.

3. Ar y cyfan, bu'r profiad o gynnal yr arholiadau hyn ar-lein yn un cadarnhaol. Daeth staff a myfyrwyr

yn fwy cyfarwydd â'r dechnoleg ac mae manteision i'w defnyddio, am eu bod yn torri ar gostau

ariannol ac amgylcheddol ac yn rhoi mwy o gyfle i gynnal yr arholiadau'n brydlon a chyda'r arholwr

allanol mwyaf addas. Er bod y Pwyllgor Graddau Ymchwil o'r farn mai arholiad llafar wyneb yn wyneb

yw'r profiad gorau, y mae'n fwy parod i ganiatáu cynnal yr arholiadau ar-lein os yw pawb sydd yn rhan

o'r drefn yn hapus â hynny. Mae angen cymeradwyaeth Pennaeth Ysgol y Graddedigion o hyd, a rhaid

cyflwyno achos o blaid cynnal yr arholiad ar-lein, ond does dim rhaid i'r amgylchiadau fod yn rhai

eithriadol.

4. Gellir gwneud cais i gynnal arholiad llafar ar-lein os mai hynny sydd orau gan bawb ac nad oes gan

unrhyw un bryder am y dull o'i gynnal ac:

I. Os yw costau, teithio neu faterion eraill yn gwneud yr arholiad electronig yn fwy manteisiol, yn

enwedig lle byddai'n anodd cynnal arholiad wyneb yn wyneb, neu pe byddai oedi annerbyniol fel

arall.

II. Os bu'n rhaid rhoi'r gorau i drefniadau i gynnal arholiad llafar wyneb yn wyneb oherwydd

amgylchiadau annisgwyl, megis tywydd gwael iawn neu salwch. Byddai'r arholiad yn cael ei ohirio

fel arfer, ond byddai defnyddio dull electronig yn ddewis gwell na rhoi'r myfyriwr mewn sefyllfa

anfanteisiol iawn.

III. Os oes dyfarniad ar y cyd neu ddyfarniad deuol yn cael ei gynnig a bod staff o'r partner brifysgol

yn ymuno yn yr asesiad.

Technoleg

5. Microsoft Teams yw'r brif dechnoleg sy'n cael ei chynnal yn y Brifysgol a dyma'r hyn a ddefnyddir i

arholiadau llafar fel arfer. Os nad yw hi'n bosibl defnyddio Teams, er enghraifft os yw myfyriwr yn byw

mewn gwlad lle nad oes modd defnyddio Teams, gellid defnyddio technoleg arall, er enghraifft Zoom,

ond nid oes modd i'n Gwasanaethau Gwybodaeth roi cymorth technegol i hyn yn yr un ffordd. Os oes

data neu bynciau sensitif yn cael eu trafod, mae diogelwch yn ystyriaeth bwysig. Mae'n hanfodol bod

y dechnoleg yn ddibynadwy er mwyn gallu cynnal yr arholiad yn ddidrafferth. Efallai y byddwn yn

ymgyngori â Gwasanaethau Gwybodaeth i sicrhau bod technoleg benodol yn dderbyniol.

Cynnal yr Arholiad

6. Staff y Gofrestrfa Academaidd ym Mhrifysgol Aberystwyth fydd yn trefnu manylion a dyddiad yr

arholiad. Anfonir apwyntiad calendr at bawb sy'n rhan o'r arholiad ar gyfer ymuno â'r cyfarfod. Gall yr

Uned Datblygu Dysgu ac Addysgu gynorthwyo yn hyn o beth.

7. Rhaid gwneud pob ymdrech i sicrhau bod yr arholiad yn cael ei gynnal yn hwylus heb i unrhyw beth

dorri ar ei draws, ac mor debyg â phosibl i gyfarfod wyneb yn wyneb. Mae angen ystyried y pwyntiau

ymarferol canlynol wrth drefnu arholiad llafar electronig:

I. Polisi PA yw peidio â recordio arholiadau llafar a rhaid dweud hyn yn glir wrth bawb sy'n rhan

o'r arholiad. Rhaid diffodd unrhyw adnodd recordio neu, gan na ellir gwneud hynny yn Teams

heb gyfyngu'r gallu i rannu sgrin, rhaid i'r Cadeirydd wneud yn sicr nad yw'r adnodd recordio

ymlaen (bydd yn gwbl amlwg os yw'r adnodd recordio ymlaen).

II. Dylai pob un ganfod lleoliad ac adnoddau addas lle gallant gael cyswllt o ansawdd da trwy gydol

yr arholiad, lle gallant fod yn gyfforddus, a lle na fydd unrhyw un yn torri ar eu traws. Os nad yw

hyn yn bosib o'u cartrefi na'u swyddfeydd, dylent ystyried defnyddio adnoddau addas mewn

prifysgol arall, swyddfeydd y Cyngor Prydeinig, neu leoliadau cydnabyddedig eraill. Yn aml, mewn

lleoliadau o'r fath fe fydd staff technegol profiadol sy'n siarad Cymraeg neu Saesneg mewn

amgylchiadau diogel. Gall Gwasanaethau Gwybodaeth roi cyngor am y dewisiadau sydd ar gael.

Gall myfyrwyr ddefnyddio adnoddau PA. Os yw myfyrwyr yn gwneud cais i gymryd rhan o bell

mewn arholiad llafar y gellid bod wedi'i gynnal yn Aberystwyth, rhaid iddynt dalu unrhyw gostau

sy'n codi, er enghraifft pris llogi ystafell.

III. Rhaid i ansawdd y llun a'r sain fod yn ddigon da i gynnal sgwrs ac, os mai'r myfyriwr sy'n ymuno

o bell, i fod yn sicr y gellir adnabod y myfyriwr a sicrhau bod y myfyriwr cywir yn cymryd yr

arholiad. Os nad yw staff yr arholiad yn adnabod yr ymgeisydd rhaid gwahodd aelod o staff i

gadarnhau bod y myfyriwr iawn yn yr arholiad.

IV. Os yw'r ymgeisydd yn ymuno o bell ac os nad oes aelod o'r bwrdd arholi nac arolygwr yn yr un

lleoliad, rhaid atgoffa'r myfyriwr y dylai fod ar ei ben/phen ei hun a, chyn belled â phosibl, rhaid

i weddill y rhai sy'n rhan o'r arholiad allu gweld hyn yn glir.

V. Er y gall trafferthion munud olaf olygu bod rhaid gwneud cais am ddefnyddio dulliau electronig,

yr arfer gorau yw profi'r system ymlaen llaw - yn ddelfrydol o leiaf wythnos ymlaen llaw - er mwyn

gallu datrys unrhyw drafferthion ac er mwyn i bawb ymgyfarwyddo cymaint ag y gallant â'r

dechnoleg.

VI. Mae amrywiadau sylweddol rhwng hyd gwahanol arholiadau llafar ac mae rhannau o'r

arholiad na fydd yr ymgeisydd yn cymryd rhan ynddynt. Rhaid cadw hyn mewn cof wrth drefnu

sesiwn er mwyn gallu cynnal cyswllt parhaus cyhyd â bod angen ond hefyd er mwyn gallu tewi'r

cyswllt os oes angen. Ni ddylai'r ymgeisydd allu clywed y trafodaethau preifat rhwng yr arholwyr.

Gellid anfon gwahoddiadau calendr ar wahân, er mwyn gwneud yn sicr nad yw'r myfyriwr yn

bresennol yn nhrefodaethau preifat y panel.

VII. Cyn belled â phosibl dylai cymorth technegol fod wrth law ar gyfer unrhyw drafferthion a allai

godi, naill ai yn bersonol yn y lleoliad neu trwy gyswllt sefydledig dros y ffôn. Yn hyn o beth, rhaid

rhoi ystyriaeth i'r gwahanol barthau amser a allai fod yn berthnasol ac i hyd posibl yr arholiad ei

hun. Os rhoddir digon o rybudd, efallai y gall GG drefnu i gael staff wrth law ar ddechrau arholiad

neu i wirio ymlaen llaw bod y trefniadau'n gweithio.

VIII. Os yw'n debygol y ceir toriadau i'r cyflenwad trydan neu'r cysylltiadau electronig, rhaid

ystyried a ddylid cynnal yr arholiad yn electronig. Yn unrhyw amgylchiadau, dylid paratoi cynllun

wrth gefn a gwneud yn sicr bod pawb yn gwybod am hyn ymlaen llaw pe byddai'r cyswllt yn torri

neu'n dirywio yn ei ansawdd, er mwyn gallu cwblhau'r arholiad cyn gynted â phosibl.

Dylai ffôn,

a rhifau ffôn pawb, fod wrth law ymhob lleoliad er mwyn i bawb allu ffonio'i gilydd pe byddai

angen. Dylai'r Bwrdd Arholi fod yn gallu cadw mewn cyswllt â'r myfyriwr wrth i'r sefyllfa gael ei

datrys ac i wneud yn sicr ei f/bod yn aros yn y lleoliad.

IX. Dylid cadw mewn cof y posibilrwydd y gallai'r ymgeisydd dorri'r cyswllt yn fwriadol a rhaid cael

cynllun wrth gefn yn ei le ar gyfer hyn. Os sefydlir fod hyn wedi digwydd ac na ellir cwblhau'r

arholiad oherwydd hynny, ni roddir cyfle arall i'r myfyriwr gael arholiad llafar ac fe fydd ef/hi yn

methu.

X. Rhaid i Gadeiryddion yr arholiadau gadw mewn cof bod yr arholiad yn achlysur a all beri pryder

ac y gall y canlyniad beri siom i fyfyrwyr. Byddai'n synhwyrol i ymgeiswyr sicrhau bod ganddynt

rhywun yn lleol i'w cynorthwyo os ydynt yn cymryd rhan o bell.

Hydref 2021